



सानसेयारि बड'सा

सानसेयारि "बड'सा" खरीरालाइयाव
स्माज्यादि जिज्जो लोब्बा थानाय रायथाय, खन्थाय,
सल', सल'बाथा आरु दावबायारि थावनि, पार्क
बाइदिनि स्यायाव लिहनाय लिहबिबां दैथाय डर/
सानसेयारि "बड'सा" खरीरालाइया खेबखानावै
फोखावगोब।

बड'सायाव लिहहरनायनि हुबा खालाम,
"बड'सा" खरी नोथि, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 19 February, 2024 Kokrajhar, BTC, Assam ★ Vol.-33, Issue No.321 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



**मदि सरकारनि
गेरेन्टि**

हमारा संकल्प
बिकसित भारत

**गोदानधि आबाद खाथिआ
आबादारिनो गोहो
होनायखौ रेखा खालगोन**

नम' ड्र'न दिदिआ आबाद मावनायखौ बिरोंदामिनजों
फोनांजाबगोन; ड्र'न बायनायाव 80% रेहाय



गंसिन मिथिनो थाखाय स्केन खालाम

बड'लेन्ड मुलुगसोलोंसालियाव मुलुगनि उन्दैसिन प्रफेसार सुबर्न आइजाक बारीआ दावबायफैदों

फरायसा, बिबुंगिरिफोरजों थुलुंगाखां बाथा सावरायलायनाय हाबाफारियाव बाहागो लादों

कक्राझार, 18 फेब्रुवारी: बड'लेन्ड मुलुगसोलोंसालिनि इन्टर कलेज लाइमोन फोबोनि दिने थुंगेनाय हाबाफारियाव गाहाइ आलासि महैर बाहागो लाफैदों जुनियर प्रफेसार सुबर्न आइजाक बारीआ। जुनियर प्रफेसार आइजाक बारीआ बड'लेन्ड मुलुगसोलोंसालिजों लोगोसे गुबुन गुबुन फरायसालिमानि फरायसा आरु बिबुंगिरिफोरजों बाथा सावरायलायो। लोगोसेनो, कक्राझार फाहामथाय



फरायसालिमा फाहामसालि, सिआइटि, बिनेश्वर ब्रह्म इन्जिनियरि फरायसालिमानि फरायसाफोरजों बो बाथा सावरायलायो जुनियर प्रफेसार बारीआ। मुलुगनि उन्दैसिन जुनियर प्रफेसार सुबर्न आइजाक बारीनि थुलुंगाखां होनाय बिबुंधि होनायाव फरायसाफोर आरु बिबुंगिरिफोर थुलुगाखांनो हादों। गावनि जाफुंसारनायनि थाखाय बिफानि बिहोमा थानायनि



कक्राझार, 19 फेब्रुवारी: 'जों गोसो गैयाब्लाबो जानुवारी आरु फेब्रुवारी दानाव खुंनय गुनत्सब 2024 फोबोंखौ होबथानो गोनां जादों मोन।' बे बाथाखौ

फोस्मायदों दुलाखइ बर' फरायसा आफाद एबसुनि आफादगिरि दिपेन बर'आ। मख'नो गोनांदि, दिने कक्राझारनि खौरं बिजोंनि सिगाडव बे बाथाखौ सिमान जानाने एबसुनि आफादगिरि दिपेन बर'आ बुडोदि, एबसुनि बे सोमावसारनाय हाबाफारिनि

थाखाय रइज्योनि गासै सा 11 रोजा फरायसाफोर गुन गोनां सोलोंथाइनि एसेसमेन्टिफराय जानगाव थानांदों आरु खहा जानांदों होन्नाने फोरमायो। मख'नो गोनांदि, मिरु सरकारनि माहारियारि सोलोंथाइ खाथिखौ आसामाव मान होयैनि थाखाय एबसुआ गुनत्सब 2024 खौ होबथानो गोनां जादोंमोन होन्नाने दिने कक्राझारआव थानाय आफादनि मिरु मावखुलि बड'फा हाउसआव खुंनय मोनसे खौरं मेलनि गेजेरजों एबसुनि आफादगिरि दिपेन बर'आ बुडो। बिथाड बुंबावोदि, माहारियारि सोलोंथाइ खाथि बादिब्ला बिमा राव बिजोंनि

भारत-भुटान सिमनानि दादगारिआव बेसेन नाडै देहा फाहामथाय बादा खुंदों

चापर, 18 फेब्रुवारी: भारत-भुटान सिमनानि दादगारि ओन्सोलनि सिडव थानाय हातिसार-2 नं खग्राबारि गेलेग्रा फोथाराव दिने बेसेन नाडै देहा फाहामथाय बादा खुंनय जायो। बड'गावनि नर्मदा इन्टरसेनेल देहा फाहामसालि आरु रिसार्च सेन्टरनि बान्जायनायाव आरु 14 नं चिरां दुवार इडपिपिएल ब्लक आफादनि हेफाजाबाव खुंनय बे बेसेन नाडै देहा फाहामथाय बादायाव गोबां बेरामिफोरनि देहा आन्जाद खालामनानयनि गेजेरजों

मानासयाव बड'लेन्ड हारिमायारि हाग्रा जिब-जुनातनि सायाव खुंनय जथुमआ जाफुंसारै खुजालांबाय बिटिआरआव बड'फा इउ.एन. ब्रह्म वाइल्ड लाइफ चेंन्सुरि, चिकनाझार माहारियारि पार्क बेखेवगोन

दावधारा गोजोन गामियाव सा-सान्जानि एनिमेल शाफारि लुनाय जागोन

भवानिपुर, 18 फेब्रुवारी: वर्ल्ड हेरिटेज साइट मानास हारियारि पार्कनि गाहाइ हाबग्रा गेटनि बासबारि रेन्जयाव बिटिआर सरकारनि बान्जायनायाव सानथामनाडै हाबाफारिजों खुंनय बड'लेन्ड हारिमायारि, हाग्रानि जिब-जुनात जथुमआय दिने थुंगेलांबाय। मख'नो गोनांदि, दिने थुंगेनाय हाबाफारियाव 'हाग्रानि जिब-



जुनात संरैखाथिनाय' आयदाफारिखौ लानाने जोबथा सावरायनाय हाबाफारियाव गाहाइ आलासि महैर बाहागो

लाफैनाने बिटिआरनि हाग्रा बिफाननि मावफुं सोद्रोमा रन्जत बसुमतारिआ गावनि बिबुंधियाव बिटिआर ओन्सोलयाव हाग्रा



आरु दावबायारि जौगाखांनयनि सायाव माखासे गोनांथार थॉखि आजावनायखौ फोरमायना होयो। मावफुं सोद्रोमा

बसुमतारिआ गावनि बिबुंधियाव फोस्मायदोंदि, बाक्सा जिल्लानि गेजेरजों भुटानसिम थानाय 127

पृथ्वीराजआ बिपिएफ दोलोनि पेनेल लिस्टआव जायगा मोन्नायाव गोजोन्नाय फोरमायदों

कक्राझार, 18 फेब्रुवारी: 'आं बिजाथि मोनो हायोब्ला फेगो लकसभा बिसायख'थियाव कक्राझार बियाबआव गुबे दावहाया इडपिपिएलजों जागोन।' बे बाथाखौ बुदों पृथ्वीराज नारायन देब मेचआ। मख'नो गोनांदि, मैया हाग्रामा महिलारी दैदेन्याय बिपिएफ दोलोआ फेगो लकसभा बिसायख'थिनि थाखाय कक्राझार लकसभा बियाबनि थाखाय फोसावनाय साथाम बिजाथिनि पेनेल लिस्टआव जायगा मोनो हानायनि उनाव दिने पृथ्वीराज नारायन देब मेचआ



भवानिपुर, 18 फेब्रुवारी: बिटिआरनि सालबारि बियाबनि सिडव थानाय भौकामारियाव थानाय दिने खुंनय जामात उलामा हिन्द आरु इडपिपिएलनि जुथाय बान्जायनायाव खुंनय मोनसे गेदेर सुबुं गौमायाव सा 1484 बिपिएफ, कंग्रेस आरु अबर सुरक्षा समिटिनि दैदेनगिरि-मावफारियाफोरा हाबाफारि



बायदियै इडपिपिएल दोलोयाव हाबफैदों। मख'नो गोनांदि, जामात उलामा हिन्दनि सालबारि

जिल्ला आफाद आरु इडपिपिएलनि सालबारि ब्लक

सानसेयावनो मोन 38 एम जि एन आर इ जि ए बिथांखि बेखेवदों



कलाइगाव, 18 फेब्रुवारी: उदालगुरि जिल्लानि 35 नं मुदेबारि बियाबाव सानसेयावनो मोन 38 एमजिएनरंगा बिथांखिनि खामानिखौ बेखेवनाय

बड'लेण्ड हारिमुवारि सोलाय-सोल'-2024 हाबाफारिआ गाजा-गोमजायै खुंफुंजाबाय

कक्राझार, 18 फेब्रुवारी: वि टि आर सरकारनि हारिमु अन्साइ बिफाननि बान्जायनायाव सानथामनि हाबाफारिजों बड'लेण्ड हारिमुवारि सोलाय-सोल'-2024 हाबाफारिआ रंगिना-संगिना गाब गोनाडै खुंफुंजाबाय। वि टि आरनि राजथाननि गोजोननि नोगोर कक्राझारनि साइ चेन्टारआव थानाय 15, 16 आरु 17



फेब्रुवारीखालि बड'लेण्ड स्पर्टस लोब्बायैनो बड'लेण्ड हाबाफारिखौबो खुंफुंजाबाय जादों।

गसाइगाव, 18 फेब्रुवारी: गसाइगाव महकु मारि कचुगावयाव मैयानिप्रय सानैनि हाबाफारिजों खुंजानाय गसाइगाव जिल्ला स्वरुपरिस्थिति फोसावदि संसदनि 48थि बोसोरारि शास्त्र मेलआ दिने जाफुंसारै खुंजालांबाय। स्वरुपरिस्थिति फोसावदि संसदनि गसाइगाव जिल्ला आफादनि बान्जायनायाव आरु कचुगाव



आन्सलिक स्वरुपरिस्थिति फोसावदि संसदनि हेफाजाबाव कचुगाव ब्रह्मपारायाव थानाय ब्रह्म मन्दिरयाव खुंनय हाबाफारियाव मैया बेलासिनि 2:00 रिंगायाव गुबुन गुबुन ओन्सोलनिफ्राय फेनाय सिबियारिफोरखौ मुं थिसन्नाने बरायनाय जायो। मोनाबिलिनि 5:00 रिंगायाव स्वरुपरिस्थिति

सुजुगिरिनि खोलोम सुबुं लांखारनाय

सुबुं लांखारनाय एबा आइजो-हिन्जावसा लांखारनाय जाथाया दिनेनिल' बाश्रा नडा, सिगांफोर समनिक्रायनो माखासे समाज बेरेखा हान्जाया बेफोर हाबाफोरखौ मावनाने समाजआव गुबुंले थासारि लाबोनायखौ नुनो मोनबोनाय जायो। सुबुं लांखारनायफोरनि जेआव नानाने आइजो, हिन्जावसा-हौवासाफोर बिमा-बिफा आरो नख'रनि आंगो सुबुंनिक्राय गोजान जानानाय एखनब्ला मोनफिन्नाय आरो खायसेया अराय समनि थाखाय गोमानाने थानाय जाथायफोर जौनि गेजेराव जाफलायनाय नुनो मोननाय जायो। सुबुं लांखारना हान्जानि फुस्लायनायाव नांथेनाने गोबां आइजो-हिन्जावसा गोमानाने थानाय, गात्रि हाबायाव नास्सोमनाय, बान्दा महरे हाबा मावनो थिसननाय जाथायफोरखौ मिबथि मोननाय जायो। आथिखाल मबाइल फन आरो समाजयारि बिजौनि गेजेरजौबो सुबुं लांखारना हान्जाया सांग्रां जानाने समाजनि लोबांथि आरो हिन्जावसाफोरनि गुरे गोसोखौ हमादोनाने बाइदिसिना राहा-खावु होनो फुस्लायनाने लांखारनाय हाबाखौ मावनाय नुनो मोननाय जायो। बिबि सुबुं बेरेखा हाबायाव जायगानि मावजि सादुफोरनिबो आखाइ थाथेनि बाश्रा गैया। मानोना गोजान जायगानि सुबुं लांखारना हान्जाया जायगानि आव-फावखौ मिबथि मोनाबो जानो हागौ। बिबियाव जायगानि खावु फलान मावजि सादुफोरनि मदत मोनोब्लासो बेफोर हाबाखौ मावनो हानायनि लामा मोनो।

मिबथि मोननाय जादों अखं आसामनि दाब-दाब जायगानिक्राय थानाय सप्ताहसेनि गेजेरावनो सा 10 हिन्जावसाफोर गोमानाय जाथाय सोमजिलांदों। गोमानाने थानाय हिन्जावसाफोरनि बांसिनानो डाइन थाखोनिफ्राय मेट्रिक आन्जाद लिलनो गोनां उन्दे बैसोनि फरायसुलिफोर। मा जाहोननि थाखाय सप्ताहसेनि गेजेराव बिसोर फरायसुलिफोरा नख'र आरो बिमा-बिफाखौ आन्दोयाव दोनाने गोमानाने थानांखो बे जाथायनि थाखाय सुबुं लांखारनाफोरनि गिथावना खेसार थानो हागौ होनाने सान्नाय सौफेदों सुबुंफोरनि गेजेराव। हिन्जावसा लांखारनायनि खेसार साग्रा हान्जाजों सोमोन्दो थानायनि सन्देहआव रेल गारिआव मागिग्रा साथाम सुबुंफोरखौ हमायावबो जालांदों। बिसोरनिक्राय मिबथिनाय बादिथै हरियाना आरो सोनाब बंगानि सुबुं लांखारनाफोरजों रेलआव मागिग्रा साथाम सुबुंफोरहा सिनायथि दंलायो। नुनायाव गुरे आखु आरो गेबें गोसोनि माधब दास मुनि मागिग्रा सुबुंआनो फरायसुलिफोर लांखारनायनि गासैबो सोलोखान्थिखौनो रसायदोमोन आरो माधब दासनि दैदेनायावनो गुवाहाटी नोगोरमानि सा 3 फरायसुलिफोरखौ लांखारनाय जादोंमोन। बेसेबां सोमोनांथाव! सासे मागिग्रायावो हिन्जावसा एबा सुबुं लांखारनाय हाबायाव लोब्बा थायो।

जौनि हालामावबो बेबादिनो सुबुं लांखारना हान्जाया मावजि सादुफोरनि मदतजों ओन्सोलाव लांखारनायनि खेसार सानाय नडा बेखौ बुंनो हाया। बेखायनो जों सांग्रां जानाने सुबुंफोरखौ सांग्रांथियाव लाबोनांगोन। खौरं बिजों आरो समाजआरि बिजोंफोरव नुनो मोननाय जायो-सुबुं लांखारनाय जाथाय बादिनो सोरबाया बिसि नागाराना गेबुनखौ लानाने खारनाय, फिसाइखौ गारानाने गेबुन हौवाजों दोनखारलानाय जाथायफोरबो जौनि गेजेराव सुबुं लांखारनाय थासारि बादिनो समाजआरि बिथिखवबो गुबुंले थासारि लाबोनायखौ नुनो मोननाय जायो। बेनि थाखायबो समाजआनो सांग्रां जानो हानांसिगोन।

दिनेनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ङ घ)
कर्कट : ड ह सिंह : म ट कन्या : प ट (ण ष)
तुला : त र बृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

- मेघ:** मानिबा जाहोननि थाखाय मान-सन्मानआ गोमालानो हागौ। गावखौनो सांग्रांडे लाखि।
- वृष:** जेबो धोल-दौलत गोहो गैथै जोबसांलानो हागौ। गोसो हमाथानाने सोलिनांगोन।
- मिथुन:** जैरेबो रंजा-बाजा खालामानाने समखौ बारहोनो हागोन। गोजोन्नायखौ मोन्नो हागोन।
- कर्कट:** माबा मोनसे मोननायनि सुजुग-सुबिधा मोन्नो हागोन। गोजोन्नाय मोनगोन। मोजां सान।
- सिंह:** मानिबा थाखाय रं खर'सा जानो हागौ। रं खावरिआ जोबसांनो हागौ। गोसोखौ हमाथ।
- कन्या:** देहा लोरबानिक्राय बारग'नो हागोन। देहायाव गोहोखौ मोनफिन्नो हागोन। गोजोन मोनगोन।
- तुला:** जेखियानो जाया गोथार खामानि मावनाने लानो हागोन। सान्नाया जाफुनाय नडा।
- बृश्चिक:** बेफार फालांगि मावनयाव रंखावरि मुलाम्फा मोन्नो हागोन। बे राशिनि थाखाय गाहाम सान।
- धनु:** जेनाफोर दडबा जोबसांनय फेगोन। गोसोखौ शान्ति-खुसि मोन्नो हागोन। मोजां सान।
- मकर:** सुथुर थानायफोर दडबा जोबसांलानो हागोन। गोजेने थानो हागोन। मोजां सम।
- कुम्भ:** बेबेबा खोथायाव गोरोन्थि सान्नाय, सोमजिनो हागौ। गोसोखौ लोरबां लानो नाड।
- मीन:** बायदिसिना सान्नायप्र गोसोखौ जिगायाव खोख्लैनो हागौ। जानला मोनला सान्नायनिक्राय गोजानाव था।

कलेराजों भुगिनांनय जाम्बियानो भारतआ सुबुंथिनि मदत दैथाइ हर्दों



गोदान दिल्ली, 18 फेब्रुवारी: भारतआ हाइजा एबा कलेराजि गोहोमखौ नोजोर होनाने जाम्बियानो नैथि सुबुंथिनि मदत दैथाइहरो। गुबुन हादतयारि मन्थि जयशंकरआ सशेल मिडिया पस्ट एक्सआव बेनि खौरं होयो। बिथाडा बुंदोंदि, भारत सरकारआ जाम्बियानो दै सोदांग्रा जगायथाय, क्लरिनि मुलिफोर आर अ'आरएस पाउचजों लोपोसे कमिसनारआ जाम्बिया सरकारनो बेखौ गथायो। भारतआ खैफोदनि समाव जाम्बियाजों लोपोसे गसंफायो होन्नाबो मन्थिआ बुंदों। फारसेथि इडपिय संघ (इड) आ बुंदोंदि, जाम्बियाआव सोलिबाय थानाय कलेरा बेरामजों जुजिनारनि थाखाय 1 मिलियन इडर मदत हगोन। बैयाव 3.5 मिलियन सुबुंफोरा बे समाव खैफोदआव दड। इडरपिय नोगोरारि रैखाथि आरो सुबुंथिनि मदत सामलाय गाहाइ बिथोनगिरि मावख' (इसिएएसअ) आ बुंदों, इमार्जेन्सि फान्डीआ सुबुंथिनि थाखाय मदत हरा इडनिसेफ आरो डब्लुएड अ'नो सावखि, दै, साखोन-सिखोनजों लोब्बा थानाय इमार्जेन्सि आरो मख'जाथाव गोनांथिफोरखौ जगायना होनो नाजानायाव मदत खालामगोन। मख'जाथावदि, थानाय 31 जानुवारीसिमाव जाम्बियाआव 16,526 कलेराजि केस मोन्दोंमोन। बिसोरनि गेजेराव सा 613 सुबुंफोरनि जिडबो गोमादोंमोन।

The 4th Swasthyamitra Excellence Awards honoured the Health Messengers of the Affordable Health Mission

GNRC, the leading healthcare provider in North East India, recognizes heroes dedicated to achieving Health for All, Smiles for All and rewards their efforts.

Guwahati, Feb 18, 2024: Over half of the global population lacks essential healthcare services, with developing nations such as India facing even graver challenges. To bridge this gap and make healthcare accessible to all, including those at the lower end of the financial spectrum, GNRC, the first super specialty healthcare provider in North East India, introduced the Affordable Health Mission (AHM) in 2017. Through the relentless efforts of over 6,500 dedicated missionaries known as Swasthyamitra (Health Messengers), the mission has expanded across Assam and beyond, positively impacting the lives of over 12 million individuals. Swasthyamitra stands as a distinctive and ambitious endeavour by GNRC. These Community Health Workers provide health education to communities, guiding them to incorporate preventive health measures into their personal, family, and community practices. To celebrate and acknowledge their significant contributions to this remarkable feat, GNRC hosted the 4th Swasthya Mitra Excellence Awards ceremony today at the Pragjyoti ITA Centre, Machkhowa, attended by over 1,100



Swasthyamitras (SMs). A total of 200 Swasthyamitras were awarded medals and certificates for their outstanding efforts in ensuring access to quality healthcare for all within their communities. Eminent and popular motivational speaker Mr. Dipak Sarma graced the occasion as Chief Guest along with a noted columnist and former Associate Professor of Cotton College Dr (Mrs.) Jayasree Borah, and Executive Directors of the Company Mrs Satabdee Borah and Dr Madhurjya Borah. Speaking at the ceremony, Dr. Nomal Chandra Borah, Founder of GNRC & Affordable Health Mission, emphasized the imperative of addressing humanity's crucial need for affordable healthcare by overcoming access barriers through a multifaceted approach. This approach involves educating various segments of society, continuous advocacy, coordinated actions, and societal collaboration, which prompted the inception of the Affordable Health Mission. This mission integrates compassionate intentions, progressive policies, and equitable practices. Dr. Borah underscored that a healthy populace is essential for socio-economic progress and national prosperity, highlighting the significance of initiatives that combat illness. He credited the success of this public health mission primarily to the dedication of the Swasthyamitras, whose efforts are also instrumental in supporting government schemes like Ayushman Bharat and Ayushman Asom Yojana. Today's ceremony aims to honor their invaluable contributions. A significant factor contributing to numerous health conditions is the

बेथन लाना हाबा मावग्राफोरनिखुइ खमसिन नडा नख'रनि आइजोफोरनि खामानिया: सुफ्रिम कर्ट

गोदान दिल्ली, 18 फेब्रुवारी: "न'आवनो थायो... मा खामानि मावो" बे बाश्राखौ साफ्रोमबो नख'रनि आइजो एबा हाउस वाइफआ खोनासंनंगौ जायो। सान ऑखारैनि सिगांनो उन्दुनायनिक्राय सिखारनाने सानसेमानि आरो मोनायावबो बयबो उन्दुजासिम खामानि मावोब्लाबो बे बाश्रा फंसेआ नख'रनि आइजोखौ नागारा। ग थ ' - ग थ । इ सामलायनायनिक्राय लानाने नख'र सामलायनाय आरो नख'रनि साफ्रोम सोद्रोमाखौ नोजोर लाखिनायजों लोपोसेनो नख'रनि हौवा सुबुंफोरनि खामानिआवबो आखाय होयो। नाथाय बियो दान जोबनायनि बेनि थाखाय दानबान्था मोना एबा लाया आरो बेनि जाहोनावनो बिनि गासै मावनाय खामानिया बयनिबो नोजोरव आरो आथिखाल समाजनि नोजोरवबो जि'र जायो, थामहिनबा रावबो बेखौ बेसेन होयो। बे बिथिखव सुफ्रिम कर्टआ हियारि होनाने मोनसे गिदिर बिबुंथि होदों। कर्टआ



हाउसवाइफनि खामानिखौ बिनि जिड होना बुंदों। सुफ्रिम कर्टआ बुंवावदोंदि, नख'रखौ जोथोन लाग्रा आइजोफोरनि बिहोमाखौ रं-खावरिजों रुजुनो एबा नायबिजिनो हाया। कर्टआव हियारिनि समाव बिजिरगिरि सुर्यकान्त आरो केभि बिश्वनारायनआ हाउसवाइफनि थाखाय बे थांखिखौ खोनासंहोयो। बे जारिमिनाय थांखिखौ मोनसे लामा जाब्रबथाइयाव सासे हाउसवाइफनि गोब्राबै जिड गोमानायजों लोब्बा गोनां केसआव हियारि होनाय समाव

सोराडव फेदों। बे जाथायाव मटर जाब्रबथाइनि दाबियाव थानाय गारिआ इन्सुरेन्स गैथेनि बिजिरगिरिआ 2 लाखनि जाहोनाव अन्मु'थाइनि बांसिन रांखान्थि होनाय बिबानखौ बिगोमानि जादोंमोन। बे थांखिखौ सायाव होनाय जादों। उचाराखान्ड हाइ कर्टआ जागायजेन्नायाव नख'रनो लाखिलाडो।

सासे गुबुन हादतयारिनि सायाव चीनआ बिफां फुलि खावनायनि दाय जाबसिन्दों



बेइजिं, 18 फेब्रुवारी: शनिबाखालि चीनआ सासे गुबुन हादतयारिखौ गावसिनि हादतनिक्राय एरन हसनायखौ मिथि होयो। गुबुन हादतयारिनि सायाव सरेखाथि खालामना दोन्याय बिफांफोरनि हारिखौ एबा बेनि फुलिखौ सिखाव खावनाय आरो बेखौ आयेन बेरेखायै 2000 खेब गुबुन हादतआव दैथाइहसनायनि दाय जाबसिनाने चीनआ गोखों नायबिजिरदों। लोपोसेनो गुबुन हादतयारिफोरा चीननि रैखाथि राहाखौ सिमफायदों होन्नाबो सांग्रांथि होयो। चीन हादतनि राइज्यो रैखाथि मावख'आ मोनसे फिन्नाय फोसावनाने दाय जाबसिनोदि, हादतनिक्राय एरन जानाय बै सुबुड आयेन बेरेखायै जावखांदों आरो चीननि गाहाइ सरेखाथि खालामना लाखिनाय बिफांफोरनि जोलैखौ बुथुमनाने गुबुन हादतआव दैथाइहसदों। मावख'आ बुंवावदोंदि, मोनसे गुबुन हादतयारि आफादआ गुबुन हादतयारिफोरनो रोजा-रोजा बिफांनि (गुबुन-गुबुन) हारिनि नमुना आरो बेगरनि नमुनाखौ आयेन बेरेखायै बुथुमनो बिथोन होदोंमोन। साउथ चाइना मर्नि पस्टनि रिपट बायदिल्ला, दायनिगिरि खालामजानाय गुबुन हादतयारिनि मुं एबा बियो बबे हादतनि बेफोरखौ मिथिहोनाय जायाखै। बेयो खावनाय बिफांफोरनि मुंखौबो फोरमायाखै।

गोजा गलाब बिबार

फालगुन दाननि जावलिआ बाराव। सानस'नो हाथै लाइमोन बैसोआव गुवार गोसोनि अन्नाय लानाने मोजां मोन्दोंमोन रजे आं नौखौ जेब्ला। अब्ला, नौं आनि बायराव देरानि लांगोनायाव बारदोंमोन सान्नेसोनि गोजा गलाब बिबार। दिने बै गोजा गलाब बिबारा बहा ?... ? नाथाय , नौंदि बै सिखिफोरनि गेजेरावसो बारहैनादें। आनि बेसेबा गोजानावसो.। नौं, मोदोम जायाखैथ', सिखिफोरजों बिदै सोबजानो। बिबिदिनो, रंजे नौखौ आं हास्थायदोंमोन मोकथांआव। नाथाय नौंदि बावगरलंबाय अब्लाबो आं नौखौ गोबोंजों मोजां मोन्दोंमोन... जाफुं होनो थाखै.... नाथाय सानाखैमोन नौं रंजे आनि अन्नायखौ सैथो गोथार होन्ना। जाउनाव जानांबाय आं दिने लोपो गोमाजानाय दाउसा माउरिया बिदिल्ला रंजे बुं बै समनि अन्नाया बेसेन गैयामोन नामा। जानो हागौ आदि गोरोन्थि खालामबाय बिनि थाखाय नौं आंखौ नेवसिगारनो हागौ। नाथाय, नौंबो इसेबां गिदिर समय लानायखौ गियाखैसै। ना नौं समायखौ फिसा होन्नासै सासनबाय नामा। ना फालगुन दाननि थिं थिं सान्दुं दुनायाव रानत्रिलानो हमावय नामा बै गोजा

बेनिजन बरग'यारी
बडइगाव कलेज

भारतनि माखासे दावबायग्रा जायगा, जाय उदां बोथोरनि समाव समायनासिन गाब गायो

फेब्रुवारि दाननिफ्राय लानानै मार्च दानसिमआव जॉनि भारत हादरआव बोथोरआ मोजां होना बुंजायो। हादरनि बांसिन जायगाफोरवने बे समाव बोथोर दुड-सुवा दावबायनायनि थाखाय जोबोद मोजां जायो। बे समाव दावबायने मोजां मोनग्रा सुबुंफोर गावबा-गावनि मोजां मोन्याय जायगाफोरव दावबायहैयो। बिब्दिनो दिने भारतनि माखासे जायगाफोरनि बागै मिथिहोनो सिगांदों। जेराव दावबायनायनि थाखाय आथिखालनि उदां बोथोरानो साबसिन। भारतनि उदां बोथोरव दावबायथाव माखासे जायगाफोर जादों-



(1) दार्जिलिं:- दार्जिलिंआ सोनाब बंगआव दड आरो बेयो गावनि मिथिगायारि समायनासिन थाखाय मुंदांखा। हाजो ओन्सोलाव फेलाव गुवारि गोसारनानै थानाय साहा बागान आरो बेनि टय ट्रेनआ बयनिबो गोसो बोनो हायो। अदेबानि बेयाव बोथोरआ बोसोरनि जेब्लायबो समावने दुड-सुवा जानानै थायो। नाथाय फेब्रुवारि-मार्च दानआव बेयाव दावबायनायनि थाखाय साबसिन सम। बे समाव दार्जिलिंनि मिथिगायारि समायनायाबो नैगुन बांसिन जायो। उदां बोथोरव बेयावनि हाजोफोरव रडडेन्डन आरो मेगानलियानि बिबारफोर जोबोद समायनासिन खालामो। मिथिगानि बे समायना नुथायखौ नायनो थाखाय गोबां दावबायारिफोर बेयाव थाडे।



(2) मुन्नार:- मुन्नारआ केरेला रडज्योनि मोनसे समायना हिल स्टेसन। केरेलायाव दावबायहैयोब्ला बे हिल्स स्टेसनआव दावबायहैयालासे फेफिनोब्ला दावबायनायखौ आद्रा थानायबादि मोनो। उदां बोथोरनि समाव मुन्नारनि मिथिगाया समायनासिन गाब गायो। हिल्स स्टेसननि खाथि-खाला हाजोफोरव बायदि रोखोमनि बिबारफोर दावबायारिफोरनि गोसोखौ गोजोनग्लाय होयो। जेराव दावबायनानै दावबायारिफोर आलादा रोखोमनि गोजोन्नाय मोन्दांथियो।

(3) काश्मीर:- काश्मीरखौ भारत हादरनि सोर्गोफुरि होन्नानै बुंजाय जायो। काश्मीरनि समायनाखौ थंगासेयावने नायजोबनो हाया। बेयाव गोलोम बोथोरव आलादा नुथाय, गोजा बोथोरव आलादा आरो उदां बोथोरव जोबोद आलादासिन नुथायखौ नुनो मोनो। फेब्रुवारि-मार्च दानआव बेयावनि हायेनफोरव बायदि गाबनि समायना



बिबारफोर बारो। टिडलिपस आरो चेरनि बिफांफोर एरैबादि समायना नुथाय सोमजिहोयो। जायखौ नुनानै दावबायारिफोर गुबुन दाबसे हादरआव दावबायहैनायबादि मोन्दांथियो।



(4) उत्तराखण्ड:- हाजोयारि रडज्यो उत्तराखण्डआव थानाय बिबारनि हायेन मुडे मुंदांखा हायेनआव दावबायनायनि थाखाय जुलाइ-सेप्टेम्बर दानआनो साबसिन। बे समाव बेयाव गुबुन गुबुन रोखोमनि आरो बायदि गाबनि बिबार नुनो मोनो। अदेबानि बेबादि नुथायखौ फेब्रुवारि दानआवबो नुनो मोन्याय जायो। बेयावनि गांसोबारि

फोथारआव एल्फाइन बिबारफोर बारनानै समायना नुथाय सोमजिहोयो। बेबादि नुथायखौ गावनि मेगनजों नुनानै दावबायारिफोरनि गोसोआव आलादा रोखोमनि गोजोन्नाय सोमजिखाडे। जेराव सावगारि सेवखानानैबो जिडनि गोसोखांथि महैरे दोनो हायो।

(5) सिमला:- सिमलाया हादरनि अनगायै गुबुन हादरनि दावबायारिफोरनि थाखायबो पारफेक्ट डेस्टिनेसन होन्नानैबो बुंजायो।



शुट्टिनि समाव नख रैनो एबा लोगोफोरजों दावबायनानै रंजाथाय लानायनि थाखाय बे जायगाया मख 'जाथाव। उदां बोथोरनि समाव सिमलानि सोरगिदि रडडेन्डन आरो चेरि बिबारफोर बारनानै नुथायखौ समायनासिम खालामो। बे समाव दावबायहैनायनै दावबायारिफोर जिडनि गोजोनग्लायनाय लानो हायो।

रंजालि गथ'फोरनि सौरा

गोरोबनै खन्थाड़

बिजाबखौ बायना फरायनो रेवग्राया सोरखौ थिनबावने

एखर एखर मास्टरफोर बिजाब बायना फरायथारा

थेवबो जों बादि रेवग्राया रेबनायाव जस्तिना थाया

हरदम समाव रेवबाय थागोन रेबनायखौ खामानि खालामगोन

-रैदोम बर',
माजदिया, बगुलामारि,
बाक्सानाया!

जोनि बै थावनिसिम

मिथिगा सिख्ला बायदि जानो हानाय मोनब्ला गोजोन जागौमोन रानस्त्राव जिड मोनसेया।।

गामाखालिनि बायदिनो दिनेबो लोगो हमनो थादोंमोन आं लोगो मोनहैयाखैसै।।

जों सानैजों जिरायग्रा बै जिराय सालियाव।।

उदासि गोसोखौ बेंहोनो मिथिगानाव सोंदोंमोन फिनबाय बियो....

नों नागारलानाय साननिफ्रायनो दिनेसिम बि जायगायाव फेनानै जिरायफैफिनासै।।

जिरायफै मालाय हा- सोरजोंथो सुखु दुखु रायज्जलाय बावफैगोन बिलाय....! ???

किरन बर'
गोदान दिल्ली

बिसम्बि

थैसाम खानाय मिजिफोर दा सानस्त्रिजों थुखैजाबाय जरासे मेगननि नोजोरफोर दा हाद्रि बालाजों बुसनजाबाय।

खुगानिफ्राय ओंखारनाय सोदोबफोर दा हां मोना बादिरिनि सावगारिफोजों आं दा हानथियो आरो हानथिलांडे बेसेबांबा गोलाव लामानि हाग्रा गेजर गेजर।

आं सानफलांबायो माब्लाबा उन्दे समनि सावरि बादलि जाबोनाय आरो माब्लाबा हि हि,हा हा मिनगलाबबोनाय बैफोरखौ मोनफिननायमोनब्ला....

हाखौ ओंखाम ओंखे संबोनाय द'खाना गाननो आइनिखौ खावयोब्ला लावथि लानानै बुजाबायनाय, आरो आफाजों थाइसे थाइने गस्ला सिफिनिफ्राय फेसा खावयोब्ला बुदरुजानो गिना हायाव उन्दुना मोखां सोमथाबलायना गाबखाबायनायफोरखौ।

बैफोरो बेसेबां खुसि खालामोमोन जोनि दिनाव माबादि मबाइल माबादि गारि मटर गाखोबायनाय बैफोरथ गैथारामोन।

बिनिखायनो सोलिफु समखौ नायोब्ला एखमब्ला ज़ोम गोसोखौप्लांबायगारो जोनि दिनानो नेहादसिनमोन ना दानिया....

हांमा बर'
2 नं सेखादानि, कक्राझार

लिमारिक

ए.के. ब्रह्म

(1)

सरकारआ गावनि दाइत्यआव माने गावनि हाबाखौ मावबा दामाव, रडज्योनि थान्देफोर गावसोरनि दाइत्यफोरखौ मावबा दामाव-नाथाय, जों जौसाइफोर बिखा बुनानै बुडे, गावनि ख'हा जाब्लाबो सरकारनि रिभिनिउ बांहोनो साफ्रोम जौसाइफोर दाइत्यखौ मावगोनखि मावगोन 31 डिसेम्बरनि हरव।

(2)

बैदि हिताधिकारी एबा बेनिफिचियारि बांहोनायनि हेंथा खोथा, सिं-सा सावरायदों, रायखोमादों, बांसावदों बैरेखा दोलोफोर-बिसोरो गमामा अंक' रेंगौना रोड ? जों सोरनिबा जिफि हासिदों नामा ! नुवाखै, 31 डिसेम्बरआव गुवाहाटील'आवने 8.5 कौटि रानि जौ फानजानाया !

जिडनि रजे

दंनयमोनब्ला जिडआव नों बायदि जिडनि रजे सुजुगौमोन आं मिलौदो सिमां।

दंनयमोनब्ला जिडआव नों बायदि जिडनि रजे लिरगौमोन आं गुबुर बहियाव रमान्टिक खन्थाइ।

दंनयमोनब्ला जिडआव नों बायदि जिडनि रजे अनलायगौमोन दावथु ज'रा बादि लोगोसे ज'रा ज'रा।

दंनयमोनब्ला जिडआव नों बायदि जिडनि रजे दंनयमानि अन्नायखौनो होगौमोन लुफाव-लुफाव।

दंनयमोनब्ला जिडआव नों बायदि जिडनि रजे गाबजिगौमोन आंबो गुबुनफोर बायदि सना रुपा।

नाथाइ ! गैया आंहा बे जोनोमआव गोरोबखौ बुरखायनो जिडनि रजे।

रशमा ब्रह्म
कक्राझार

जाखल'नाय

दाफै नों जॉनि नख'राव दाफै नों जॉनि समाजाव दाफै नों जॉनि हारिआव दाफै नों गोजोन मुलुगाव। नॉनि बादि गोसोजों सोलिनो गोब्राव नॉनि बादि मावनायजों देरहानाया आस'खान्दा खालामो नों थासारिखौ गुबुले दिन्थि फेयो नों अराय खैफोदनि लामाखौ।

नोंनि थाखे दिने जॉनि नख'राव सोमजिदों गुलाय-गुजाय थासारि नख'रनि खुन्थियाखौ खालामदों नोंनो लोरबां आरोबाव दाफैसै नों जॉनि नख'राव। गावजों-गावनि गेजेराव गोमालांबाय फोथायथि सोरबाया दिने अखोरांखव बिरग'लांबाय सोरबाया दिने गांख बायग्रबना थालांबाय आरोबाव दाफैसै नों जॉनि समाजाव।

खौसेयै लामा हाथिनांगो जों दिने नाथाय दावबायनांगो लामाया गन्न'नाय बेखौ समान खालामनानै बारलांनंगौब्ला दाफैसै नों जॉनि हारिआव।

फैलाव गुवार बुहुमनि बिखायाव गोबांआनो नोंजों गेलेनो सम गोनांफोर खारफायो सानफ्रोमबो नोंनिनो उन उन मोनथिनो साना सोरनिबा खैफोद आरो खहा। नाथाय समा जेबोला लिंहरगोन आखाय फायखनना थानांगोन बिसोर अबोला खाफालाव आखाय हमना नागिरमोननाय नख गोजोन मुलुगाव सोरनिबा अननाय आरो हेफाजाब ! ? ?

-निजोम बर'
गामि: पच्चिम पानेनि
जिल्ला: उदालगुरि, ला:सो: पानेनि

सायखलं! नोंसो थार लोगो

फागुननि दुफां बोथोरा फेबाय सान सानजौफुबो जाबाय गोदाव-सोराव मोनबाय गोथार बुब्लियाबो बिलितबाय दिने लोगो गैया जाबाय आंनि सोलेरखौ एखुथिया मोनबाय समाव आं सायखलंखौ लोगो लाबाय सायखलं! नोंसो थार लोगो जिडनि जुलि संनाहयाव दाबोरसे रजेनि मेंनायाव गोसोनि खाराव-मारावयाव आंनि बुनो सान्नायाव रावबो गैया सुबुं जायगायाव दडल' सायखलं खाथियाव एखुथियानि लोगो जाथाव सायखलं! नोंसो थार लोगो गोसोया फोरमायनो लुबैबाय अनल्जायनायनि राव गोसो खांबाय गोबारे आं लेंखाव हरबाय सुबुंफोराबो अबोला फारा फारि थांबाय थिलिया दान्दिसे सिंघ' जाबाय आंबो गावखौनो हारिं मोनबाय अब्ला सायखलंखौ लोगो मोनबाय सायखलं! नोंसो थार लोग।

मुनिन्द्र बसुमतारि
गामि- फारिखुरि (अग्रं)

खैफोद

दायना बायदि बे मनगलाब संसाराव जोनोम मोनबाय मानसि महैरे अबंलावरिनि अननायाव। फोथाय खेबस' बे संसाराव आंगो होननाय गैया रावबो सेराव सोरबाबा मिनि-रंजा सुखुखौ लाना सोरबाबा गाबनाय-मिनिनाय दुखुखौ लाना। दायना नोजोरनि आन्दो आन्दो थाखोमानो जायगा मोना आं बिमानि दख'ना आनसोल। फेलेंनि इसारा सोरगिदि मुलुगा थांखिनि बिन्दो नागिरब्लाबो आं आगोर मोना, बेंगुराफोरनि गाबखावनायजों गोमसारो संसाराव, अब्लाबो फोथायखेबसनि अनगा जेबो गैया बे मन'गलाब संसाराव। आगानफ्रोमबो आगानाव आं मोन्दाखे खैफोदनि इसारा रंखाथि, समाजखाथि,धोरम खाथिनि। सिमांफोर बायदिनो सान बारलानाय रुंगु फारसे गोदान जोलैनि बेगर नागिर नागिर खैफोद गैयै मुलुगा संदानो आं बे मन'गलाब संसाराव मोनसे गुफुर गोजोननि सिमां।

नब'थि नार्जारी
लतामारि, कक्राझार



मुलुगानि उन्दैसिन प्रफेसार सुबर्न आइजाक बारीआ बड'लेन्ड मुलुगसोलोसालियाव दावबायफैनाय समाव फरायसा, फारोंगिरिफोरा बारीजो सेलफि लानायाव मुखुब जानाय बुख्लि।

कसुगावआव मोसौनि आथिं आरो खुगानि बेरामनि बेसेन लायै भेक्सिन थुनाय हाबाफारि खुंदों

गसाइगाव, 18 फेब्रुवारी: गसाइगाव मकुमानि कसुगाव ताप्लाझारआव दिनें मोसौनि आथिं आरो खुगानि बेरामनि बेसेन नाडै भेक्सिन थुनाय हाबाफारि खुनाय जायो। कसुगाव राइज्योयारि जुनाद फाहामथायनि बान्जायनायाव खुनाय भेक्सिन थुनाय हाबाफारियाव जुनात फाहामथाय बिबानगिरि डा: नबानि ठाकुरियाआ बाहागो लानानै मोसौनि आथिं आरो खुगानि बेरामखौ फोजोबख्सांनयनि



थांखिजों राइज्यो सरकारा नुजाथिनाय बे बेरामनि जाउनाव फाहामथाय बिबानगिरि डा: पल्लव गामिफोराव बेसेन लाया लासे पुर्स्टिन आंखाल आरो गाइखेर बरगुआ बाहागो लानानै बेसेन नाडै एफएमडि भेक्सिन थुनायनि रहा दिहुथाया बाइइ जायो होन्नानै लानाय जादों आरो मोसौनाय बुडे। कसुगाव खोन्दो जुनाद मुलिफोरखौ रगनानै होयो।

(□ 1 बिलाइनिफ्राय)

बड'लेन्ड मुलुगसोलोसालियाव मुलुगानि उन्दैसिन प्रफेसार सुबर्न आइजाक बारीआ दावबायफैदों

बाथ्राखौ गावनि बिबुंथियाव मख'दों। लोगोसेनो जुनियर प्रफेसार बारीजों हाबाफारियाव फरायसाफोर थुलुगाखानायजों सेल्फि सेबखानायखौ नुनो मोन्नाय जादों। मख'नो गोनादि, थानाय 15 फेब्रुवारीनिफ्राय गेदेर हाबाफारिजों खुंजानाय बड'लेन्ड मुलुगसोलोसालिनि नैथि इन्टर कलेज लाइमोन फोर्बोआ दिनें एबा रबिबाराखालि मोनाबिलियाव जाफुसारे थुंगेबाय। लाइमोन फोर्बोयाव बड'लेन्ड मुलुगसोलोसालिनि सिडव थानाय गं 37 फरायसालिमानि माखासे फरायसाफोरा बाहागो लाफैनायाव मेहेरगोनाडै खुंजालाडे। गुबुन फारसे, गाबोन समबाखालि बिटिआरनि सोल्लोथाय बिफाननि बान्जायनायाव कक्राझारनि बड'फा कल्लारेल कमप्लेक्सनि मेल जथुमसालियाव खुंजानो गोनां मोनसे हाबाफारियाव जुनियर प्रफेसार आइजाक बारीआ बाहागो लागोन होन्नानै सुलुडव फोरमायदों।

गुनत्सबनिफ्राय जानगाराव थानांनाय सा 1 1 रोजा फरायसाफोरनि थाखाय गासैबो थाखोनि...

गेजेरजों गथ'साफोरा गुन गोनां जौगा माननि सोल्लोथाइ मोन्नो नांगों नाथाय गुनत्सब 2024 आव 6 थाखोनि बिज्ञान आरो सानखान्थि आयदानि सौंथि बिलाइखौ इंगरजि रावआव सेबखानायनि थाखाय एबसुआ गोसो गिल्लिरे सोमावासरानायजों लोगोसे गुनत्सबखौ होबथानो थांखि लादोंमोन। मख'नो गोनादि, राव-थुनलाइ, आरिमु-हारिमु गासैखौबो लाफानानै एबसुआ बर' हारिनि जौगाथायनि थाखाय खामानि मावबोदों। आसाम सरकारनि हांखायहरनाय बादिब्ला, थानाय 16 फेब्रुवारीआव आसामनि सोल्लोथाइ मन्थि रनज पेगुआ समग्र शिक्षा अभियाननि एमडि अमप्रकासजों एबसु आरो बर' थुनलाइ आफादजों मोनसे गोनांथाय जथुम खुनाय जायो। बे जथुमाव गुनत्सब 2024 निफ्राय जानगाराव थानाय फरायसाफोरनि सोल्लोथाइयारि इयुन आरो बिस्पोरोनो बिजिनरनाय होनायनि सार्थजों मोनसे गोनांथाय थांखि लानाय जायो। बे थांखि बादिदै फरायसाफोरनि थाखाय गुनत्सबनि गासैबो थाखाोनि मोनसे जर'खा आन्जाद खुनाय जागोन। बेनि अनगायैबो गुबुन मोनसे रहा लानायनि गेजेरजों फरायसाफोरनो ग्रेड होनायनिबो रहा लानाय जादों होन्नानै आफादगिरि दिपेन बर'आ फोरमायो। गुबुन फारसेथि, माहारियारि सोल्लोथाइ खान्थिआव बिमा राव बिजोंखौ गोनांथि होनाय जादों। बेनिखायनो एबसुआ आरो बर' थुनलाइ आफादआबो अरायबो बिमा राव बिजोंआव सोल्लोथाइ होनायनि सायाव गोनांथि होनाय जादों। एबसु आरो बर' थुनलाइ आफादखौ मान होन्नानै आसाम सरकारा फैगौ 2024 सोल्लोथाइ बोसोराव 6 आरो 7 थाखोनि बिज्ञान आरो सानखान्थि आयदानि फरा बिजाबखौ बर' -इंगरजि, असमीया-इंगरजी आरो बेंगल-इंगरजि रावआव दिहुन्नो थांखि लादों। दासान्दि आसाम सरकारा बे मोनै आयदानि सायाव थांखि लानायखौ साबायख'र जासियो। बेनि अनगायैबो आसाम सरकारा बे जथुमाव बर' बिजों आरो बर' बिजों आन्जादफोरखौ सामखानाय सेवाआव आरो आसाम स्टेट टेक्स बुक पाब्लिकेसन एन्ड प्रडाक्शन कर्परेसनआव जायफोर मासि लांदां जानानै दं बेफोरखौ थाबैनो सुफुनो आरो समग्र शिक्षा अभियाननि लांदां जानानै थाखाय राव सोलायगिरिनि मासि आरो एससिआरटिआव स्टेट काउन्सिल अफ इडुकेसन रिसार्च एन्ड ट्रेडिनिआव आयदा प्रफेसारनि लांदां जानानै थानाय मासिफोरखौ थाबैनो सुफुनो रहा लानायखौ एबसुनि आफादगिरि दिपेन बर'आ गोजोन्नाय फोरमायदों।

गसाइगाव जिल्ला स्वरुपस्थिति फोसावदि संसदनि 4 8 थि बोसोरारि शास्त्र मेल खुंदों

फोसावदि संसदनि मिरु आफाद (सा-सान्जा) नि फोसावदिगिरि प्रानेश्वर बसुमतारिआ जय सावनायनि उनाव सिबियारि मेल खुनाय जायो। स्वरुपस्थिति फोसावदि संसदनि गसाइगाव जिल्लानि गाहाइ समरेन्द्र नार्जरीनि सामलायनायाव खुनाय बे मेलयाव ब्रह्म धोरामारिनि सोमोन्दै सावरायलायनायजों लोगोसे सा-सान्जा स्वरुपस्थिति फोसावदि संसदनि आफादयारि बिथिनि सोमोन्दै गुवारे सावरायलायनाय जायो। हाबाफारि बायदियै दिनें नैथि एबा जोबथा साननि हाबाफारियाव फुं समाव सिबियारि, मावफारिया आरो सोद्रोमाफोर हाबाफारि खुनाय जायगायाव साखोन-सिखोन हाबाफारि मावफुंदों। बेनि उनावनो सेथि सानखालि जागायजेन्नाय जय अखन्ड'खौ लाखिनानै सिबियारिफोरा जय सावनाय गाव-गावसोरनि नख'रनि आरो समाजनि गोजोन आर'ज गाबो। फुनि 8:30 रिगायाव कचुगाव इडएन एकाडेमिनि गोरयुं ७ सुशान्त नार्जरीआ बेखेवनाय शास्त्र मेलखौ सामलायदों गसाइगाव जिल्लानि गाहाइ समरेन्द्र नार्जरीआ। सान्जोफुनि 12:00 रिगायाव जिल्लानि गाहाइ समरेन्द्र नार्जरीनि आफादगिरि मासि सामलायनायाव खुनाय गेवलां मेलयाव गाहाइ आलासि महरै बाहागो लाफैदों बिटिआरनि मावफुं सोद्रोमा उखिल मुसाहारिआ। गावनि बिबुंथियाव उखिल मुसाहारिआ गरुदेब कालिचरन ब्रह्मआ बर' हारिजों लोगोसे गुबुन गुबुन हारियारिखौ जौगाखांहोनायनि गाहाइ बिफावनि सोमोन्दै गुवारे मख'नानै ब्रह्म धोरामनि सायाव बिबुंथि होयो। मेलयाव बाहागो लाफैनाय स्वरुपस्थिति फोसावदि संसद (सा-सान्जा) नि गाहाइ रमेश ब्रह्मआ मुलुगनां गोजोनि थाखाय हास्थायनानै बेसेन गोसा बिबुंथि होयो। हाबाफारियाव जर'खा आलासि महरै स्वरुपस्थिति फोसावदि संसदनि मिरु आफादनि गाहाइ घन'शियम बसुमतारि, लेडाइ गाहाइ महेस्वर ब्रह्म, संसद गाहाइ गोजोनथाव ब्रह्म, स्वरुपस्थिति फोसावदि संसदनि गसाइगाव जिल्ला संसद गाहाइ सत्य कुमार ब्रह्मजों लोगोसे ओन्सोलनि माखासे मान गोनां सुबुंफोरा बाहागो लादोंमोन। मख'नो गोनादि, फैगौ 23 फेब्रुवारीयाव तामुलपुर जिल्ला कुमार्कितानि शेसापानि गोजौ फरायसालि गेलेमु फोथाराव स्वरुपस्थिति फोसावदि संसदनि 115 थि माघी पुनिमा आरो 16 थि बोसोरारि सरसनस्त्रा मेल खुनायजों लोगोसे 24 फेब्रुवारीयाव कक्राझार गेदेर जय सावनाय हाबाफारि खुंगोन। गिबि मन्थि ७ हिमन्त बिश्व शर्मानि नुजाथि फेनायाव खुंजानो गोनां गेदेर जय सावनायाव हारि, धोराम, बोरोन, राव सायख'थालासे गासैबो राइजो-राजाफोरखौ नुजाथि फेनो हांखायहरदों बान्जाय आफादआ।

(□ 1 बिलाइनिफ्राय)

धुबुरि आबाद बिज्ञान मिरुनि बान्जायनायाव 'एम्फौ फोथैग्रा...

रुजुथायै थोजासे हसार आरो मुलि बाहायनायनि सोमोन्दै फोरोंनाय जायो। बे फोरोंथाय हाबाफारियाव धुबुरि आबाद बिज्ञान मिरु, बडइगाव आबाद बिज्ञान मिरु आरो बहलपुर रडमातिआव थानाय सरत चन्द्र सिंह आबाद फरायसालिमानि बिबुंगिरि आरो आबाद बिज्ञानिकफोरा बाहागो लानानै फोरोंथाय होयो। दिनें खुनाय जोबथा साननि हाबाफारिखौ दैदोनो आरो थांखि बेखेवनाय होयो धुबुरि आबाद बिज्ञान मिरुनि बिबानगिरि आरो गागि आबाद बिज्ञानिक ७ फकर उद्दिन आलि आहमेदआ। चापरनि गागि खौरंगिरि तिलक चन्द्र प्रसादआ गाहाइ आलासिनि बिबुंथि होनाय बे हाबाफारियाव धुबुरि आबाद बिज्ञान मिरुनि आबाद बिज्ञानिक बिकासज्यति फरफलिआ, फार्म मेनेजर भास्कर तालुकदार, त्रिदिप कर्तक, अनुरन् सन'वाल मोनहाबो बिबुंथि होयो।

जामात उलामा हिन्दनि

बान्जायनायाव माखासे दैदेनगिरि...

आफादनि जुथाय बान्जायनायाव खुनाय सुबुं गौमायाव बिपिएफ दोलोनि सा 651 दैदेनगिरि-मावफारिया, कंग्रेस दोलोनि सा 530 दैदेनगिरि-मावफारिया आरो अबर सुरक्षा समिटिनि सा 303 दैदेनगिरि-मावफारियाफोरा इडपिपिएल दोलोयाव हाबाफारि बायदियै हाबफैदों। बे दोलोयाव हाबफैनाय हाबाफारिनि सुबुं गौमायाव गाहाइ आलासि महरै बाहागो लाफैदों बिटिआरनि मावफुं सोद्रोमा रन्जित बसुमतारिआ। बिथाड हाबाफारियाव बिपिएफ दोलो आरो बिटिसिनि बारग' गाहाइ मावफुं सोद्रोमा हाग्रामा महिलारीजों लोगोसे कंग्रेस दोलोखौबो गोख्रोंडे सौंखारिनाय बिबुंथि होदों। मेलयाव सालबारि टिसिएलसिसिनि मासिगिरि बिनद मुसाहारि, जामाद उलामा हिन्द राइज्योयारि आफादनि हाफिज सहराब आलि, मौलाना सिराजुल हक, मौलाना मस्तापा आहमेदमोनहाबो बिबुंथि होनायजों लोगोसे इडपिपिएल आरो जामाद उलामा हिन्दनि माखासे दैदेनगिरिफोरा बाहागो लाफैदों। इडपिपिएलआव हाबफैनाय सोद्रोमाफोरखौ बिटिआरनि गाहाइ मावफुं सोद्रोमा रन्जित बसुमतारि, सालबारि टिसिएलसिसिनि मासिगिरि बिनद मुसाहारि, इडपिपिएल आरो जामाद उलामा हिन्दनि दैदेनगिरि-मावफारियाफोरा बराय मान बाउदों।

भारत-भुटान सिमनानि

दादगारिआव बेसेन नाडै ...

मुलिफोरखौ रगनानै होयो। बे देहा फाहामथाय बादायाव डा: जे नार्जरी, डा: यिशु बर', डा: जि कलित (सिएमडि, नर्मदा देहा फाहामसालि), डा: एडस रिचद मोनहा बाहागो लानानै बेरामिफोरनि देहा आन्जाद खालामनायजों लोगोसे देहानि सोमोन्दै बोसोन होयो। बे देहा फाहामथाय बादायाव अनिस प्रसाद, रजेश प्रधान, बिनय कुमार झा, राहुल घष मोननि मावफारियाफोरजों लोगोसे नर्मदा देहा फाहामसालिनि नार्सफोरबो बेरामिफोरनो फाहामथाय सिबिथाय होयो।

सानसेयावनो मोन 3 8 एम जि

एन आर इ जि ए बिथांखि ...

जायो। मख'नो गोनादि, बियाबनि भक्तपारा आरो सेडाफोथार भिसिडिसिआव मन्दिनि हा खोनाय आरो लामा लुननायनि खामानिखौ बेखेवनायाव प्रम बर' दैदेननाय जुथाय हान्जानि सरकारनिसिम साबायख'र जासियो ओन्सोलनि राइजो-राजाफोरा। मख'नो गोनादि, 3 बोसोरनि खुंथाय समाव सरकारा गोजोन आरो जौगाथायनि बिथिडव बांसिन गोनांथि होनायखौ राइजो-राजाफोरा बाखायो। भक्तपारा भिसिडिसिआव इडपिपिएल दोलोनि प्राइमरि आफादगिरि, भिसिडिसिनि आफादगिरि आरो मुदैबारि ब्लक इडपिपिएलनि आफादगिरि पबित्र बसुमतारिआ बे बिथांखिखौ बेखेवनायै होयो। गुबुन फारसेथि, मुदैबारि बियाबनि टिसिएलसिसिनि लेडाइ आफादगिरि मूकन स्वरगियारीआ कुलसिपार फोनांजाब बालिपतासिम थानाय लामाखौ बेखेवनायै होयो। बे हाबाफारियाव मुदैबारि ब्लक इडपिपिएलनि गौथुमारि नेहाथारि जगत डेकाजों लोगोसे माखासे मावथिफोराबो बाहागो लायो।

खन्थाइनि जिरजिला

नै
रजे
नों जुदि
नेवसिबोला
बोहे होगोन खन्थाइनि जिरजिला

लिरगिरि-रैदोम बर',
माजदिया,बगुलामारि,बाक्स

गारोडै खबामजों लोगोसे

मोजोमसे लागोना नागिरबायनाने थि जिडआव मेहाबनाय मोनबाय, आं आरो बायजो नोजोरनि गोजानबाय मुं गैथि मेगननि फैसालियाव।

सोदोबफोरा गैया खुगा दरखंआव दैनि दैथुन बायदि बारनि मोन्दांफोरा, निजोम थाबनिथाव जिरायनायफोरा अखा-जोमैनि रादाव फोसावदों।

खारनाय समनि आन्दो जिनिरफोरा

लोरबां थासारियाव दै लुसावदों, बै थाबनिथाव खायफाजों लाखुमानाय समजोंनो मुरा रथ-रथ सोमजिफैदों। दोनखोमानाय हाथ फलानि हांगारफोरा सावगारि बोनाय जोमैनि रायजोआव, रिन्दव-रिनिस दैखोनि बिलोमायाव गां बुब्राबदों गाथोननि बिफां सायहायाव।

-निन्द बसुमतारी
खाशिखन्ना (कुमुगुरि), चिरां

बड'लेण्ड हारिमुवारि सोलाय-सोल'-2024

हाबाफारिआ गाजा-गोमजायै खुंफुंजाबाय

बे बड'लेण्ड हारिमुवारि सोलाय-सोल' हाबाफारियाव बर' हारिजों लोगोसे गुबुन गुबुन हारि-हारिसाफोर जैरे- नेपालि, सानतालि, कच राजबंशि, राभा, गार', नाथ यगि बायदि बायदि हारि हारिसाफोरनि मोसाखावरि हान्जाफोरा गाव-गावनि दोरोडरि मोसानायखौ दिन्थिफुडे। मख'नाय जायोदि, बे हारिमुवारि सोलाय-सोल' हाबाफारियावनो बर'नि गोबां मुंदांखा गोजाम, गोदान आरो जाखांफुनाय मेथाइ रोजाबगिरि फारियै- मेनखा ब्रह्म, बिराज मोसाहारि, जे.सि नार्जरी, पुर्निमा बसुमतारी, चक्रधर नार्जरी, मुंदांखा फेस्ता फावगिरिफोर मेन्देला ब्रह्म, मस्क' ब्रह्म बिथांमोनजों लोगोसे गोबां फावगिरि आरो मोसाखावरि हान्जाफोरा बाहागो लानानै मेथाइ रोजाबनाय, फेस्ता दिन्थिनाय, मोसानानै दिन्थिफुंनयजों सानथामनि हाबाफारिजों खुनाय बड'लेण्ड हारिमुवारि सोलाय-सोल' हाबाफारिया गाव गोनाडैजोबनानै थाडे।

मेथाइ लिरगिरि गुलजार आरु जगतगुरु रामभद्राचार्यनो ज्ञानपिठ बान्थाखौ होनाय जागोन

जगतगुरु रामभद्राचार्य आरु मेथाइ लिरगिरि गुलजारखौ बे खेबाव ज्ञानपीठ बान्थाजो मान होनाय जागोन। ज्ञानपीठ बान्था सायख' आफादआ सानैनिबो मुंखौ फोसावबाय। उर्दैन थखाय मुंदांखा मेथाइ लिरगिरि गुलजार आरु संस्कृतनि थाखाय जगतगुरु रामभद्राचार्यनो 58थि ज्ञानपीठ बान्था होनाय जागोन। मख'जाथावदि, बिथांमोना सानैबो गाव-गावनि आयदायाव जोबोद मुंदांखा। भारतीय ज्ञानपीठनि जेनेरेल मेनेजार आ. ए. न. ति वारी आ फोरमायदोदि, सायख' आफादा मुंदांखा सल' खिन्थाप्रा आरु ज्ञानपीठ बान्था मोनगिरि प्रतिभा रायनि आफाद दैदेन्नायाव बे थंखिखौ लादों। जेराव जगतगुरु रामभद्राचार्यआ संस्कृत गव आरु भेद-पुराणफोरनि सासे गेदेमा फरायसंगिरि, फारसेथि गुलजारआ गोबां सावथुनफोरगव मेथाइ लिरनायनि अनगायै गजल आरु खन्थाइनि फोथारगव मुंदांखा। ज्ञानपीठनि दिथागिरि मधुसुदन आनन्दआबो बे मेलाव दंमोन। मख'जाथावदि, 1944 माइथायाव भारतीय ज्ञानपीठखौ



गायसन्नाय जादोंमोन। 1965 माइथायनिफ्राय भारतयायि थुनलाइयाव साबसिन बिहोमानि थाखाय बोसोरफोमबो ज्ञानपीठ बान्थाखौ होनाय जागायजेन्नाय जादों। ज्ञानपीठ बान्थाखौ नैथि खेबनि थाखाय संस्कृत रवनि थाखाय आरु बाथि खेबनि थाखाय उर्दैन थाखाय होदों। ज्ञानपीठ बान्थाया हादतनि गोजौसिन थुनलाइनि सन्मान। देरहागिरिफोरनो 11 लाख रंनि बान्था रं भागदेबीनि मोनसे मुसुखा आरु गांसे मान बिलाइ होनाय जागोन। गवानि लिरगिरि पामदर मौज'आ 2022 माइथायनि थाखाय मानगोनां ज्ञानपीठ बान्थाखौ मोन्दोंमोन।

रामभद्राचार्यनि जोनोमआ 1950 माइथायाव उत्तर प्रदेशनि जनपुरनि खन्डीखुर्द गामियाव जादोंमोन। चित्रकुटनि थागिबि रामभद्राचार्यआ सासे मुंदांखा फरायसंगिरि, सोलौंथायगिरि, गोबां थुनलाइगिरि, सोरजिगिरि, फोसावगिरि सान्थौगिरि आरु हिन्दु धोरुमारि दैदेनगिरि। रामानन्द फोलेरनि आथिखालनि मोनब्रँ जगगुरु रामानन्दचार्यफोरनि गेजेराव सासे आरु 1988 माइथायनिफ्राय बे मासियाव दं। रामभद्राचार्यआ चित्रकुटआव थानाय संत तुलसिदासनि मुं दोनजानाय मोनसे धोरुमारि आरु समाज सिबियारि फसंथान तुलसि पीठनि गायसनगिरि आरु

आफादगिरि। पलीगलट रामभद्राचार्यआ संस्कृत, हिन्दी, अवधी, गैथिलीजों लोगोसे गोबां रावफोराव सासे खन्थाइगिरि आरु लिरगिरि। रामभद्राचार्यआ 22 रावफोरो रायज्जालयो हायो। बिथाडा 100 निबो बांसिन बिजाब लिरबिदांफोर लिरदोंमोन, जेराव मोनब्रँ सलन्थायमा (संस्कृतआव मोनै आरु हिन्दीआव मोनै), रामचरितमानसनि सायाव मोनसे हिन्दी बुंफोरथि, अष्टध्यायनि सायाव मोनसे संस्कृत बिबुंथि (ब्रेधसुत्र, भगवदित आरु प्रधान उपनिषद) दं। बिथांखौ तुलसिदासनि सायाव भारतनि साबसिन रंगसाफोरनि गेजेराव

सान्नाय जायो। 2015 माइथायाव भारतआ बिथांखौ पद्य भिभुषण बान्थाजों मान होदों। हिन्दी सावथुननि मुंदांखा मेथाइ लिरगिरि गुलजार सम्पुरन सिंह कालरा (1934), जाय भारतीय ज्ञानपीठ बान्थाजों मान मोनो थंगासिनो दं। बिथाडा गुलजारमुंजों मुंदांखा आरु हिन्दी सावथुननि सासे मुंदांखा मेथाइ लिरगिरि। बेनि अनगायैबो बिथाडा खन्थाइगिरि, स्क्रन लिरगिरि, सावथुन दिथागिरि, थुनफवथायगिरि आरु मुंदांखा सायरीगिरिबो। गुलजारनि सुजुनायफोरा गुबैयै हिन्दी, उर्द आरु पानजाबीयाव। गुलजारखौ हिन्दी सावथुनाव गावनि खामानिनि थाखाय मिथिनाय जायो। आरु बिथांखौ बे मुगानि साबसिन उर्द खन्थाइगिरिफोरनि गेजेराव सासे मानिनाय जायो। बिनिसिगां बिथाडा 2002 दादा साहेब भाल्के बान्था, 2004 माइथायाव भारत सरकारनि थामथि गोजौसिन नोगोरारि बान्था पद्य भुषण आरु गावनि खामानिनि थाखाय बाइसिनाव मोनबा हायुआरि सावथुन बान्था मोनो हादोंमोन।

गाहाम देहानि राहा

पटल मैंगआ डाइबिटिस बेरामिनि थाखाय मुलाम्फा गोनां, ब्लाड सुगार आरु बुनायखौ बाडाइ खालामो

सोलिफु समआ पटल मैंगनि बोथोर। बे गोथां मैंगखौ नोंथाडा गोरलैयैनी हाथाइयाव मोनगोन। बांसिन सुबुंफोरा पटल मैंगखौ जानो मोजां मोनो। माखासे जायगाफोराव परवलबो बुनाय जायो। बेनि भुजिया एबा ग्रेभि कारीखौ बानायनाय जायो। पटलआव गोबां बिबानि भिटाभिन ए, भिटाभिन बी1, भिटाभिन बी2 आरु भिटाभिन सी थायो। डायबिटिस बेरामिफोरनि थाखायबो पटल मैंगखौ मुलाम्फा गोनां होनना मानिनाय जायो। बेखौ जानायजों ब्लाड सुगारखौ बाडाइ खालामनायाव मदद होयो। गोथां पटल मैंगआव माखासे गुनफोर मोन्नाय जायो। पटल जानायनि माखासे मुलाम्फाफोरखौ होनाय जाबाय-



सुगारनि थाखोआ खम जायो आरु देहानि बुनायखौ बाडाइ खालामो। 2. उर्दैन थाखाय मुलाम्फा गोनां- पटलआ जाप्रा आदरखौ साबसिन खालामो। पटलआव गोबां सावसिन फाइबर थायो, जाय डाइजेसनखौ गोखों खालामो। मोनसे मोजां बिबानि फाइबर थानायबो कनस्तेशननि जेंनानिफ्राय रँखा मोनो। गैस्ट्रइंटेस्टाइनल जेंनाफोराव पटल जानायबो मुलाम्फा गोनां। 3. लिरथाय खमायनायाव हेफाजाब होयो- पटलआ औरैबायदि मोनसे मैंग जेराव केल'री आरु मेजेमखौ बाडाइ खालामो। पटलखौ लिरथाइ

खमायनो थाखाय बाहायनो हायो। बेयाव मोन्नाय फाइबर मुवाया लिरथाइ खमायनायनि दावबायनायखो गोरलै खालामो आरु बेखौ जानायजों गोबाव समसिम उखैनाय मोना। 4. बिखानि थाखाय मुलाम्फा गोनां- पटलआ बिखानि थाखाय मोनसे मुलाम्फा गोनां मैंग। बेयाव मोन्नाय एटी-अक्सिडेन्ट आरु पलीफेनलफोरा अक्सिडेन्टिभ स्ट्रेसखौ बाडाइ खालामो। बेयो बुनायखौ बाडाइ खालामो हागौ। पटलआ पेटेसियाम आरु मैंगनीशियामनि मोनसे मोजां फुंखा जाय ब्लाड प्रेसारखौ सामलायो।

कार्तिक आर्यननि सावथुनखौ 'आशिकी 3' मुंजों रिलिज खालामनाय नडा

बलिउडनि समाइना फावखुंगुर कार्तिक आर्यननि आन्सायगिरिफोरा बिथांनि सावथुनखौ गोसो गुड्डे नेनानै थायो। आन्सायगिरिफोरा बिथांनि फैगौ सावथुनफोरनि आपडेटनि थाखाय सशेल मिडियाआव नोजोर लाखियो। बि-टाउननि बयनिखुइबो समाइनासिन बेचेलेर कार्तिक आर्यननि किट्टीआव माखासे गोसो बोनी हाथाव मावथांखिफोर दं, जेराव मुंदांखा रमान्क फ्रैन्चाइजि 'आशिकी' सावथुननि सिक्वेल दं। सावथुन 'आशिकी 3' नि सोमोन्दै दासिम गोबां आपडेटफोर ओंखादों। सावथुननि गाहाइ फावखुंगुरनि थाखाय तृपित डिमरिनिफ्राय लानानै सारा



आलि खानसिम मुं फोसावनाय जादों। बबेखानि सावथुननि बानायगिरिफोरा कार्तिक आर्यनजों लोगोसे रावबो फावखुंगुरि मुंखौ रोखा खालामाखै। बे समावनो सावथुननि मुडाव सोलायनायनि खौरांआ सोराडाव फेंदों। सावरायनाय जादोंदि, 'आशिकी' सावथुननि फैगौ खोन्दोखौ 'आशिकी 3' मुंडे

मिथिनाय जानाय नडा। रिपर्टनि बायदिब्ला, बेखौ बुंनाय जादोंदि, आशिकी 3 नि मुंखौ सोलायनाय जादों। बे सावथुनखौ 'तु आशिकी है' मुंडे फोसावनाय जागोन। बबेखानि सावथुननि बानायगिरिफोरनिफ्राय मावख'आरि महरै रोखा खालामनाया दासिमबो फेयाखै। अनुगग बसुआ भट्ट बादानि

मुंदांखा फ्रैन्चाइजीनि बे सावथुनखौ दिथा होगोन। 2011 माइथायाव कार्तिक आर्यननि थाखाय दोहौ गोनां फोरमान जादोंमोन। बे बोसोरगव फोसाव जानाय भुल भुलैया 2 आ बिथांनि केरियारखौ जौगाखाहोंदोंमोन। कार्तिकआ बे सावथुननि थाखाय साबसिन फावखुंगुरनि बान्था मोन्दोंमोन। आथिखालाव बे सावथुननि थामथि बाहागोखौ फोसाव जासिगोन। सानैसो सिगां सावथुननि रिलिजजों लोगोसे कार्तिकआ बिदिया बालननि फेफिन्नायखौ रोखा खालामदोंमोन। भुल भुलैया 3 खौ दिवालीनि फलिथाइयाव फोसावनाय जागोन। बे मोनै सावथुननि अनगायैबो कार्तिकहा काबीर खाननि चंदु चैम्पियन सावथुनबो दं।

मेगास्टार चिरनजीभिआ गावनि बिसि सुरेखानि जोनोम सानाव जरखा मोनसे पस्ट शेयार खालामदों

साउथ सावथुननि मेगास्टार चिरनजिभिआ फेसालियावल रमान्क नडा, बिथाडा गुबै जिउआवबो गावनि बिसिखौ गोबां अनो। चिरनजिभिआ माब्लाबाबो गावनि बिसि सुरेखानि सायाव गावनि अन्नायखौ आबुडै दिन्थिनो जेबो खाबुखौ खोमाना लाया। बेबायदि थासारियाव गावनि बिसिनि जोनोम सानाव फावखुंगुरआ मोनसे पस्टनि गेजेरजों गावनि बिसिनि सायाव गावनि अन्नायखौ दिन्थियो। चिरनजिभिनि बिसि सुरेखाया दिने गावनि जोनोम सान फालिदों। बे जरखा फालिथायाव 68 बोसोर बैसोनि फावखुंगुरआ गावनि बिसिनि थाखाय मोनसे मोजां पस्ट शेयार



खालामदों। भला शंकरनि फावखुंगुर चिरनजिभिआ गावनि बिसि सुरेखानि जोनोम सानाव गावनि इन्सटाग्राम एकाउन्टआव मोनसे रमान्क सावगारि शेयार खालामदों। सावगारियाव फावखुंगुरखौ गावनि बिसिखौ आखाइयाव लानानै पज होनाय नुनो मोन्दों। बिसोर सानैबो कापल हलस होनानै गावजों गावनि मेगनाव नायनानै

सावगारि सेबखंदों। मोखाइव मिनिनाया चिरनजिभि आरु सुरेखानि मोजां मोन्नायखौ फोरमायनो थाखाय थोजासेमोन। सुरेखाखौ गोजा गावनि सायियाव जोबोद समाइना नुदोंमोन। बे समावनो चिरनजिभिआ के प्सनआव लिरदों, आनि लाइफलाइन आरु आनि गोहोनि बयनिखुइबो देरिसिन खुन्थिया सुरेखानिसिम जोनोम साननि

गाहाम हामब्लायथि।' भरुन तेजजों लोगोसे अन्सायगिरिफोरा सानैनिबो सुरेखानि जुलिया 44 बोसोर जानो थंगासिनो दं। बिसोर सानैजों 20 फेब्रुवारी 1980 माइथायाव जुलि जादोंमोन। चिरनजिभि आरु सुरेखाया साथाम गथ'फोर दं। फिसाजोफोरनि मुडा सुभितता आरु श्रीजा, आरु फिसाज्जानि मुडा राम चरण (फावखुंगुर)। चिरनजिभि बायदि, बिथांनि फिसाज्जला राम चरणआबो सावथुननि सासे सुपारस्टार। बावैसो सान सिगां चिरनजिभिखौ पद्य भिभुषण बान्थाजों मान होनाय जादोंमोन। अब्ला फिसाज्जला राम चरण आरु बिहामजो कनिडेलाया बिथांखौ बरायदोंमोन।

रश्मीका मन्दानानि प्लाइटआ हरखाब लेन्डिं जानायाव फावखुंगुरिआ माबोरैथैनायनिफ्राय बारग'नो हाखो बेखौ फोरमायदों



साउथ सावथुननि उनाव, आथिखालाव फावखुंगुरि रश्मीका मन्दानाया बलिउडआवबो गावनि सिनायथि होनो हादों। बिथाडा सशेल मिडियायाव गोबां अनसायगिरिफोर दड: सावथुन 'एनिमेल' नि उनाव फावखुंगुरिनिआव आरुबाव गोबां गिदिर प्रजेक्टरफोर दड: गावनि प्रफेसनेल लाइफजों लोगोसे फावखुंगुरिआ गावनि फासनेल लाइफनि थाखायबो खौराडव थायो। बे समावनो रश्मीकानि सोमोन्दै मोनसे गोनांथार खौरां फेंदों। रश्मीका मन्दानाया इन्सटाग्राम स्टरीयाव मोनसे गोनांथार पस्ट शेयार खालामदों, जेराव बिथाडा बुंदोंमोनदि, बावैसो मोनसे जाब्रबथायाव बिथांनि जिउआ एसेयावनो बारग'दों। फावखुंगुरिनि बे

पस्टआ सशेल मिडियाआव गोबां दोहौ सोमजिखाहोंदों। जाय प्लाइटजों फावखुंगुरिआ दावबायगासिनो दंमोन। बेयो हरखाब लेन्डिं खालामदोंमोन। बे जाब्रबथाइनि मोनसे सावगारिखौ रश्मीकाया गावनि इन्सटा स्टरीयाव शेयार खालामनानै रश्मीकाया लिरदों, खालि मोनसे फोरमायथिदि, बेबायदिनो जों थैनायनिफ्राय बासायजाबाय। सावगारियाव बिथांजों लोगोसे फावखुंगुरि श्रध्दा दासखौबो नुनो मोनो। मिथिहोनाय बायदिब्ला, रश्मीकानि बे प्लाइटआ मुम्बाइनिफ्राय हाइड्राबादसिम थांगासिनो दंमोन। हरखाब लेन्डिंनि जाहोनाव प्लाइटआ 30 मिनिटनि उनाव मुम्बाइयाव फेफिन्दोंमोन। बेनि जाहोनखौ

टेकनिकेल गोरुन्थि बुंनाय जादों। बे जाब्रबथायाव थारैनी जिउनि थाखाय खैफोद दंमोन। नाथाय साफ्रोम दावबायारिया रँखाथियै फेफिन्तो हादों। रश्मीका मन्दानानि सावथुनफोरनि बाश्चा बुडोब्ला, फावखुंगुरिनि 'पुष्पा 2' सावथुनआ बे बोसोराव रिलिज जागोन। बे सावथुनखौ बे बोसोरनि उदांसि सानाव रिलिज खालामनाय जागोन। बे सावथुना रहित शेट्टिनि सिंधाम एगेन सावथुनजों मोगा-मोगि जागोन।

परिणीतिआ फाव खालामनायजों लोगोसे रोजाबनायाव गोसो होदों

जुदि नोंथाडा खामानिजों लोगोसे नोंथानि मोजां मोन्नाय खामानिफोरखौ आबु खालामनो खाबु मोनो, अब्ला बेनिफ्राय साबसिन मा जानो हागौ। फाव खालामनायजों लोगोसे फावखुंगुरि परिणीति चोपरानि देखो आरु रोजाबनायनि फारसे मोजां मोन्नाय बयजोंबो मिथिजानाय। बिथाडा मेरी प्यारी बिंदु' केसर आरु दा गर्ल अन दि ट्रेन सावथुनफोरावबो मेथाइ

रकुल प्रित सिंह आरु जेकी भगनानीआ गावसोरनि जुलनि थाखाय गवायाव सौहैबाय

फावखुंगुरि रकुल प्रित सिंह आरु फावखुंगुर-दिहनगिरि जेकि भगनानीआ साननैसोनि उनावनो मावख'आरि महरै बिसि आरु फिसाइ जागोन। बे जरानि जुलनि थियारिआ जागायबाय। रकुल आरु जेकीआ गवायाव बीच स्टाइल नि जुलि जागोन, जायनि थाखाय जराया गावसोरनि थावनियाव सौहैबाय। रकुल प्रित सिंह आरु जेकी भगनानीआ गोबाव समनिफ्रायनो सानैजों डेट खालामगासिनो दं। बिसोरनि मोजां मोनलायनायनि सल'आ लकडाउननि समाव




जागायजेन्दोंमोन आरु बै समनिफ्रायनो जरया गावजों-गाव गोथौवै मोजां मोनलायो। बे जरया 21 फेब्रुवारीयाव जुलि

जागोन। नख'रनि अनगायैबो, बलिउडनि सेलेब्रिटीफोराबो गावसोरनि राजफोलेरारि हाबायाव नुजाथिगोन। रकुल

आरु जेकीनि मोनसे भिडिअआ मोनसे नुजाथिदों, जेराव बिथांमोनखौ गवा सौहैनाय नुनो मोनो। जेराव रकुलआ कमला

गावनि पेन्टजों लोगोसे पिंक बिकिनी ब्लाउज आरु कमला गावनि कट गानानै मोनसे स्टाइल स्टेटमेंट होदों। बबेखानि जेकीखौ मोनसे सार्ट आरु पेन्टआव आदित्य राय कापुरआ रकुल प्रित सिंह आरु जेकी भगनानीनि हाबायाव बाहागो लानायनि बाश्चा सावरायनाय जागासिनो दं। सानैबो 20 फेब्रुवारीसमाव गवा सौहैनो हागौ। बेनि अनगायैबो दासिमबो माखासे बि-टाउननि मुंदांखा सेलेब्रिटीफोरा बेयाव सौहैनायनि आसा दं। रकुल प्रित सिंह आरु जेकी भगनानीनि जुलनि जुनिया सावगारिफोरखौ जाहाथे रावबो गावसोरनि खथायाव सेबखंदों हाया, बेखौ थि खालामनो थाखाय बे जरया केट्टिना केफ आरु भिक्की कौसल बायदिनो 'न फन पलिसि' नि नेमखान्थि नाजावगोन। आलासिफोरा सौफैनायनि समाव गावसोरनि फनफोरखौ रँखाथिनि थाखाय गथायनांगोन। रकुल आरु जेकीआ मावख'आरि महरै गावसोरनि एकाउन्टआव जुलनि सावगारिफोरखौ शेयार खालामगोन।



रोजाबदों। आथिखालाव बिथाडा रोजाबनायनि गावनि मोजां मोन्नायखौ प्रपेशनेल महरै आवगायलानो थिरांथा

लाबाय। बे दिगाव सिगांथि आवगायनानै बिथाडा बावैसो गिबि खेबनि थाखाय गावनि स्टेज फारफेमेन्सखौ खालामदों।

परिणीतिखौ फैबाय थानाय समाव फावखुंगुर दिलजीत पसांसजों सावथुन चमकिलायाव नुनो मोनगोन। बे सावथुनआ पान्जाबनि मुंदांखा फलख रोजाबगिरि एमर सिंह चमकिलानि बाय'पिक। जुनिया बाश्चाया बेनोदि, परिणीतिनि बे सावथुनखौ खालामनायाबो बिथांनि रोजाबनाय मोजां मोन्नायजों सौमन्दो गोनां। बिथाडा बुंदों, आनि बे सावथुनखौ खालामनायनि

मोनसे हागाइ जाहोना बेनोमोनदि, आं बे सावथुनाव फ्राय 15 मेथाइ रोजाबनो खाबु मोनगासिनो दंमोन। परिणीतिआ गावनि लोगो फावखुंगुर दिलजीतआ आंखौ खोनादोंमोन आरु आंखौ सुबुंफोरनि सिगाडव लाइभ दिन्थिपुनो थिन्दोंमोन। आनि सोरगिदि थानाय गासै सुबुंफोरनो आनि गोसोआव बे बाश्चाखौ बुंनो नाजाबाय थादोंमोनदि, आं स्टेजआव थानो हायो।

मोब्लिब बाहायनाया रेकर्ड 1,354 बिलियन इउनिटसिम सौहैदों

गोदान दिल्ली, 18 फेब्रुवारी: मावख'आरि खारिथिनि बायदिब्ला, सोलिफु रांखान्थि बोसोरनि गिबि 10 दाननि गेजेराव भारतनि मोब्लिब बाहायनाया (एप्रिल-जानुवारी) 7.5 जौखोन्दो बांनानै 1,354.97 बिलियन इउनिट जाहैदों। बेयो गासै हादराव रांखान्थियारि मावथायनि गोखैथिनि इसारा होयो। बे फोरमायथिखौ सरकारा फोसावनाय खारिनिफ्राय मोननाय जादों। सिगांनि रांखान्थियारि बोसोरनि बे समावनो मोब्लिब बाहायनाया 1,259.49 बिलियन इउनिटमोन। गासै रांखान्थियारि बोसोर 2022-23 मायथाइयाव मोब्लिब बाहायनाया 1,505.91 बिलियन इउनिटमोन। हादराव मोब्लिब बाहायनायाव 7.5 जौखोन्दो बांनाना सोलिफु रांखान्थियारि बोसोरनि गिबि 10 दानाव रांखान्थियारि मावथायनि गोखैथिखौ रोखायै दिन्थियो।



बिथाड बुंदोंदि, आगस्त, सेप्टेम्बर आरो अक्ट'बराव मोब्लिब बाहायनाया गाहायै फोर्बो बोथोरनि सिगां सिदोब बोथोर आरो दारिमिनारि हावाफारिफोरनि थाखाय गोखैथै बांदों। रोंग'साफोरा बुंदोंदि, रांखान्थियारि मावथाय आरो गुसु दोहौनि थासारियाव जौगानायनि जाहोनाव फेब्रुवारियावबो मोब्लिब बाहायनाया दिदोमै बांगोन। हायुंआरि मावख'आ (एनएसअ')आ जानुवारियाव

फोसावनाय गावनि गिबि सिगां अनुमान खालामनायाव 2023-24 मायथाइयाव हादोरनि रांखान्थियारि जौगानायनि हास्रखौ 7.3 जौखोन्दो जानो हागौ होना अनुमान खालामदों। खारिनिफ्राय मिथिनो मोनोदि, मोब्लिब बाहायनाया जानुवारिआव 126.30 बीइउनिट रुजुनायाव 5.4 जौखोन्दो बांनानै 133.18 बिइउ जाहैदों। सानसे आवनो मोब्लिबनि गोनांथिया बांनानै जानुवारियाव

222.32 गीगावाट जाबाय। जानुवारि, 2023 मायथाइयाव बांसिन मोब्लिब जगायनाया 210.72 गीगावाट आरो जानुवारि, 2022 मायथाइयाव 192.18 गीगावाट मोन। रोंग'साफोरा बुंदोंदि, जानुवारियाव मोब्लिब बाहायनायजों लोगोसे गोनांथिया साबसिन जादोंमोन मानोना बे दानाव पाराया गोखैथै गाहायाव फेदों। गुसु दोहौनि जाहोनाव हीटार, ब्ल'वार आरो गीजार

बायदि हीट दिस्पेन्सरनि बाहायनाया बांदोंमोन, जायनि जाहोनाव गासै मोब्लिबनि गोनांथिया बांदों। मोब्लिब बिफाना अनुमान खालामदोंदि, 2024 मायथाइयाव गोलोम बोथोरनि समाव हादराव मोब्लिबनि गोनांथिया 229 गीगावाट सौहैगोन। बोथोर गैये अखा हानायनि जाहोनाव एप्रिल-जुलाइआव दाबि खालामनाया आसा खालामनाय थाखोसिम सौहैयाखैमोन। बबेखानि, जुनाव गोबांसिन जगायनाया 224.1 गीगावाटनि गोदान गोजौसिम सौहैदों नाथाय जुलाइआव 209.03 गीगावाट जाहैदोंमोन। आगस्तआव गोजौसिन गोनांथिया 238.82 गीगावाट सौहैदोंमोन। सेप्टेम्बर, 2023 मायथाइयाव बेयो 243.27 गीगावाट मोन। अक्ट'बराव गोजौसिन गोनांथिया 222.16 गीगावाट मोन, नबेम्बराव 204.77 गीगावाट आरो डिसेम्बरआव 213.62 गीगावाट मोन।

रासिया सरकारनि बेरेखायै धर्ना होनायनि पुलिसआ सा 400 सुबुंफोरखौ हमदों

मस्क', 18 फेब्रुवारी: रासियानि हादरगिरि ब्लादिमीर पुतिननि गोखों बेरेखा हान्जानि दैदेनगिरि एलेक्सि नवलनीनि जिउ गोमानाय खौराड थानाय शनिबारखालि सोयडव फेदों। बेनि उनाव रासियानि दर 32 सहरफोराव खुं'नाय हावाफारिफोरनिफ्राय सा 400 नि बांसिन सुबुंफोरखौ जिम्मायाव लानाय जायो। मोन्थाय हान्जा अभिडि-इन्फ'आ बेनि खौरां होदों। बेयो 2022 नि सेप्टेम्बर दाननि उनाव रासियानि राजखान्थि हावाफारिफोराव सुबुंफोरखौ हमनायनि बयनिखुइबो देरसिन दोहौ। बै समाव सुबुंफोर लैहोर-लैहोर ओंखारनानै धर्ना खालामनायाव सा 1300 नि बांसिन सुबुंफोरखौ हमनाय जादोंमोन। थानाय शनिबारखालि एलक्सि नवलनीनि बिमानो मिथिहोनाय जादोंदि, साडेन डेथ सिन्ड्रमजों एलेक्सिनि जिउ गोमादों आरो बिनि नायबिजिरनाया आबुं जायागोमानि गोथै सहखौ



नख'रनो गथायनाय नडा। अदेबानि बिनि गोथै सहआ बबेयाव दड बेखौ मिथिनो मोन्थाय जायाखै। बेराफासँ एलेक्सिनि हेफाजाबगिरिफोरा नख'रनो गोथै सहखौ थाबैनो गथायनांगौनि दाबि दैखांदों। मख'जाथावदि, रासियाआव बिसायख'थि खुंजागोनआ 1 दाननिबो खमसिन सम थानायनि गेजेरावनो एलेक्सिनि थैनाय खौरां सफैनाया थासारिखौ दुंहाव खालामदों। खौरां मोन्थाय बादिब्ला, मस्क'निफ्राय 1900 कि:मि: सा-सान्जा फासँ थानाय पलार बुल्य पिनाल्ड कलनीआव 47 बोसोर बैसोनि एलेक्सि नवलनीआ बेरायगलांनय समाव

हुस गैये जादोंमोन आरो बेयावनो बियो जिउ गोमायो। बिनि जिउ गोमानाय जोबथेसालिखौ गिखंथाव जोबथेसालिफोरनि गेजेराव गंसे होनानै गनायनाय जायो। बियो बेयाव गावनि साजा भुगिगासिनो दडमोन। जोबथेसालिनि सासे मावफारियाआ नवलनीखौ साखाथिनि सहर सालेकहार्डआव लांनयनि खौरां मिथिहोदोंमोन। नाथाय बैयावबो बिनि गोथै सहखौ मोनाखै। बेखौ लानानैनो हादरनाडै हेंथा धर्ना होनाय जादों। शनिबारखालि बयनिखुइबो बांसिन मस्क' आरो सेनपिटर्सबार्गनिफ्राय धर्ना होग्रा सुबुंफोरखौ हमनाय जादों।

हाजो ओन्सोलाव बरफ आरो दिल्लीयाव बारहुंखा बारगोननि सांग्रांथि होदों



गोदान दिल्ली, 18 फेब्रुवारी: हाजो ओन्सोलफोराव फिन खनसेबाव बरफ गोर्लैनायनि जाहोनाव बिदुडा दावखलायगोन। जम्मु काश्मीर-उत्तराखण्डजों लोगोसे गोबां हाजो ओन्सोलफोराव बरफ गोर्लैनायनि आसा दड। फारसेथिं दिल्लीयाव साननि

समाव गोखों सानुं दुंनयजों मेक्सिमम बिदुंआ बांबोगासिनो थादों। नाथाय थाबैनो बेयावनि बिदुडा दावखलायनायनि आसा दड। मानोना बोथोर बिफाना हादरनि राजथावनियाव बारहुंखाजों लोगोसे अखा हागोनखौ हमदांदों। बेनि अनगाथै पान्जाव, हरियाणा आरो

उत्तर प्रदेशआवबो बरफ गोर्लैगोन होन्ना बिफाना हमदांदों। बेखौ लानानै माखासे ओन्सोलफोराव बारहुंखानि एलाट फोसावनाय जादों। दिल्लीयाव सोनाब नारसिन्थार्यनि गोहोमाव समबार, मंगबार आरो बुधबाराव सरासनसा अखा हानो हागौ,

जायजों मेक्सिमम बिदुंआव 3-4 डिग्री दावखलायनो हागौ। बेनि जाहोनाव फिन खनसेबाव गोर्लैनाया बांगोन। जम्मु-काश्मीराव फेगौ सानब्रैसिमाव रोजा अखा आरो बरफ गोर्लैनायनि आसा दड। बोथोर बिफाना काश्मीरआव माखासे जिल्लाफोरनि गोर्लै ओन्सोलफोराव हा गिसिखानायनिबो सांग्रांथि होनानै सुबुंफोरखौ सांग्राडै थानो खावलायदों। फेगौ 21 जानुवारीसिम अखा आरो बरफ गोर्लैनायनि आसा दड होन्ना बोथोर बिफाना फोरमायदों। फारसेथिं फेगौ 24 घन्टानि गेजेराव खोला-सान्जा मध्य प्रदेश, उरिष्यानि सा बोरि बाहागो आरो सिक्किमआव सरासनसा अखा हागोन होन्ना बोथोर बिफाना मिथिहोयो। सोनाब हिमालय, पान्जाव आरो हरियानानि माखासे बाहागोफोराव मिनिमम बिदुंआव 2-3 डिग्री बांसिन्दों।

इउएनएससिआव सोलायनाय लाबोनांगौनि थाखाय भारतआ सौंथि दैखांदों

गोदान दिल्ली, 18 फेब्रुवारी: रैखाथि परिषदआव साबसां होनायनि थाखाय भारतआ मोनसे गिदिर सौंथि दैखांदों। भारतआ बुंदोंदि, मोनो आरो बबे समसिम दरबा हादतफोरल'मुलुगनि दर 188 हादतफोरनि जानानै बाश्ना बुंवाय थागोन? इउएननि जौस्रांआव भारतनि थान्दै रुचिरा कम्बजआ बे सौंथिखौ दैखांदों। बिथाड रैखाथि परिषदआव साबसां होनायखौ गोबाव खालामनो नांलिया होन्ना बुडे। बेयाव इउएननि सोद्रोमा हादतफोरनि मोनफ्रोमबो थाखोनि रावफोर सोसनजानांगौ होन्नाबो बुडे। मख'जाथावदि, भारतआ रैखाथि परिषदनि अरायथा सोद्रोमा थिसनजानायनि थाखाय गोखों दाबि दैखांजादों। रैखाथि परिषदआव सोलायनाय लाबोनांगौनि सायाव सावरयनाय समाव कम्बजआ 15 सोद्रोमा गोनां मुलुगनां बे



आफादआव गुवार परिषदआव फोसाबनांगौनि दाबि दैखांबेदों। भारतनि थान्दैआ बुं'बावोदि, आथिखालाव दरफ्रोमबो हादतआ गावनि आवथाय आरो गोहोखौ बिथा खालामना रैखाथि परिषदआव बाहागो हास्थायो, जायजों बिसोरनि बुंनय बाश्नाफोर गोर्लै थाखोसिम सौहेनो हायो। बेसेबां समसिम दरबा हादतफोर दर 188 सोद्रोमा हादतफोरखौ दैदेनबाय थागोन। बे बेबस्थाजों मुलुगनि

गोबाव जेनाफोरा गोबाव बोसोरनिफ्रायनो सुस्रां जायाखै। बेनिखायनो रैखाथि परिषदनि गुदि बिथायाव सोलायनाय लाबोनांगौ, जायजों बेनि बिफावआ गोहोम गोनां आरो आबुं गनायजाथाव जायो। बिथाडा सांग्रांथिबो होयोदि, बबेयावबा अनगार जायोब्ला बेनि गात्रि गोहोमा गासिबो जायगायावनो गोर्लैयो। बेनिखायनो फोसाब नांगौखौ नेवसिगासो हाया।

गोबाव जेनाफोरा गोबाव बोसोरनिफ्रायनो सुस्रां जायाखै। बेनिखायनो रैखाथि परिषदनि गुदि बिथायाव सोलायनाय लाबोनांगौ, जायजों बेनि बिफावआ गोहोम गोनां आरो आबुं गनायजाथाव जायो। बिथाडा सांग्रांथिबो होयोदि, बबेयावबा अनगार जायोब्ला बेनि गात्रि गोहोमा गासिबो जायगायावनो गोर्लैयो। बेनिखायनो फोसाब नांगौखौ नेवसिगासो हाया।

मुलिफोरनि गुनखौ रोखा खालामनो सिडिएससिआ बिथोन फोसावदों



गोदान दिल्ली, 18 फेब्रुवारी: मिरुवारि मुलि मानदान्दा सामलायग्रा आफाद (सिडिएससिआ) आ मुलिफोरनि नमुना बुथुमनायनि थांथि आजावनानै बाजारआव मोन्नो हानाय मुलिफोर आरो बेजों लोब्बा थानाय मुवाफोरनि गुन, बेफोरनि गोहोमखौ गोथोथै नोजोर लाखिनायनि मोनसे बिथोन फोसावदों। मिरु सावरसि मावख'नि सिडाव खामानि मावग्रा गोर्लै थाखोनि मुलि सामलायग्रा आफादआ बुंदोंदि, आथिखालाव मुवाफोरनि बुथुमना मोन्नाय नमुनानि बांसिनानो गिदिर ब्रान्डफोरनि आरो बेफोरखौ सहरारि आरो फिसा-फिसा सहरफोरनिफ्राय बुथुमनानै मोन्नाय जादों। थानाय सप्ताहनि

बिथोनमायाव बुं'नाय जादोंमोनदि, गोदान मान्दानि बादिथै नमुना बुथुमनायनि यजनायाव गामियारि एबा आदिबासि ओन्सोल, सायख'जानाय बेरामनि बेरामिफोरखौ मोन्नाय ओन्सोलाव बाहायजानाय मुलि आरो बोथोराव सोमजिखांग्रा बेरामफोरनि मुलि बायदिफोर बेयाव थाफागोन। बिथोनमायाव

बुं'बावदोंदि, माखासे ओन्सोलफोराव बेजों लोब्बा थानाय आयदानि नमुनाफोरखौ बुथुमनाय जायाखै। बेफोराव माखासे मुलि फानग्रा मिरुफोरनि गुबै डाटाखौ मोन्नाय जायाखै, जेराव नकली मुवा दिहुनायनि खौरां मिथिनो मोन्नाय जादोंमोन। बेफोरबादि सिनायथिनो हानाय आउटलेटफोरनि सायाव नेमखांन्थि बादिथै नोजोर लाखिनाय जानांगोन। बैफोर मुलिनि थोजासे नमुना बुथुमनानै लेब एबा आन्जादसालिआव दैशायहरनाय जानांगोन। जाहाथे बेनि टेस्ट रिपट फोसावनायनि सिगांनो आन्जादसालिनिफ्राय गोनांथि जायोब्ला गासैबो मान दान्दाफोरखौ फिन आन्जाद नायनो हायो।

राम मन्दिरआव टिटिडिआ सिबियारिफोरनि सारिखौ सामलायगोन

तिरुपति, 18 फेब्रुवारी: तिरुमाला तिरुपति देबस्टनम (टिटिडि) नि मोनसे हान्जाया शनिबारखालि अयध्यान राम मन्दिरआव सौहैदों। प्रान प्रतिस्तानि उनाव राम मन्दिरआव सिबियारिफोरनि होंगो-दोंगो थासारिखौ सामलायनो थाखाय बे हान्जाया बैयाव सौहैदों। सिबियारिफोरखौ गोर्लै सारिआव थानानै दर्शन खालामनो थाखाय हान्जाखौ हावाफारि सामलायनायबो नुनो मोन्दों। टीटीडिनि हान्जाया राम मन्दिर ट्रस्टनि हांखायहरनायाव अयध्याआव थादों। बे हान्जाखौ टीटीडिनि हावाफारि बिबानगिरि एधि धर्मेरिडुआ सामलायदों।



रेडु आरो गुबुन टीटीडि बिबानगिरिफोरा राम मन्दिर ट्रस्टनि थान्दैफोरनो हान्था-मेला, सिबियारिफोरनि सारिये थानायखौ सामलायनाय बायदि

हावाफारिजों लोब्बा थानाय खौरांखौ होयो। मोनसे प्रेस फोसावदिआव बुंनय जादोंदि, रेडुनि दैदेननाय हान्जाया मोनसे गोर्लै थाखोनि जथुम्मायाव

श्रीराम जन्मभूमि थितक्षेत्र ट्रस्टनि थान्दैफोरनो सिबियारिफोरनि नेमखांन्थि आरो सारिखौ सामलायनायनि बागे खौरां होयो। टीटीडिनि इन्जिनियारि

बिबानगिरिफोरा लाइन सामलायनायनि लोब्बायाव माखासे सुबुरुनबो होदों। तिरुपतिआव श्रीबेकटैस्वर मन्दिरनि मावख'यारि रैखाथिगिरि होनानै टीटीडिआ बुंजायो। मन्दिरआव गोबां अन्जिमानि सिबियारिफोर फेयो। नाथाय बेयाव सिबियारिफोरनि होंगो-दोंगोखौ सामलायनायनि थाखाय सिगाडव मोजां राहा गैयामोन। आथिखालाव बेनि थाखाय मोजां राहा खालामना होनाय जाबाय। बेनि गेजेरजों आरो टीटीडिनि सामलायनायजों राम मन्दिरआव सानफ्रोमबो फेनाय सिबियारिफोरखौ गोर्लै दर्शन खालामहोनो हानाय जासिगोन।

इउटुबनि बारग' सिइअ सुशाननि फिसाज्लाआ रुंसारि जाबाय

गोदान दिल्ली, 18 फेब्रुवारी: इउटुबनि बारग' सिइअ सुशान वन्सिस्किनि फिसाज्ला मार्क ट्रफारआ 19 बोसोर बैसोआव रुंसारि जाबाय। बियो इउसि बर्कलेनि फरायसामोन। मिडिया रिपटनि बायदिब्ला, फरायसालिनि बुंथिगिरि क्लार्क

केर केम्पासआ मिथि होदोंदि, मार्कखौ हुस गैये थासारियाव बोखांनो मोन्दों। सान्जौफु समाव ट्रफारखौ हुस गैये थासारियाव बोखांनो मोनानै बर्कलेया पायार डिपार्टमेन्टआव केम्पास पुलिसनो मिथिहोयो। के लिफर्निया इउनिभांसिटि



पुलिस बिफान, बर्कलेनि मोनसे फिननाय बायदिब्ला, बिफाना ट्रफारखौ रेखा खालामनो गोबां नाजादोंमोन। नाथाय जाफुंसार जोनो हायाखै। खौरां मोन्नायसिमाव मार्क ट्रफारनि जिउ गोमानायनि गुबै जाहोनाखौ मिथिनो हानाय जायाखै।

अदेबानि फेग्रा मुलिखौ जखानि बांसिन जानायनि जाहोनाव ट्रफार जिउ गोमादों होन्ना हमदांनय जादों। इउटुबनि बारग' सिइअ सुशाननि बिमा एस्तरआ मोनसे फेसबुक पस्टनि गेजेरजों मार्क ट्रफारनि रुंसारि जानायखौ फोरमायदों।

भारतीय आइजो बेडमिन्टन हान्जाया एसिया सेम्पियनसिपआव बिमुं देरहादों

गोदान दिल्ली, 18 फेब्रुवारी: भारतनि आइजो बेडमिन्टन हान्जाया बेडमिन्टन एसिया टीम सेम्पियनसिपआव बिमुं देरहानानै जांरिमिन सोरजिबाय। भारतीय हान्जाया गिबि खेब बे सेम्पियनसिपआव (हौवा आरो हिन्जाव) सनानि मेडेल देरहादों। भारतनि आइजो हान्जाया मालएसियाआव गेलेनाय बे सेम्पियनसिपनि फाइनालाव थाइलेण्डखौ 3-2 स्करआव फेजेन्दों। बेयो 2016 नि उनाव खुंजानाय सेम्पियनसिपनि 5 थि बादायलायनायमो। बे सेम्पियनसिपआव भारतनि आइजो हान्जाया गिबियै बास्था देरहानो हादोंमोन। नाथाय बेनि सिगां हौवाफोरनि हान्जाया



2016 आरो 2020 आव ब्रन्ज मेडेल देरहादोंमोन। गिबि मेचआव पिभि सिन्धुआ सुपानिदा कातेरखौ 21-12, 21-12 स्करआव फेजेन्नानै हान्जाखौ 1-0 स्करआव आवगायहोदों। बेनि उनाव त्रिचा जली आरो गायत्री गपिचान्दआ

जंकलफान कितिथारकुल आरो रबिन्दा प्रन्जजइनि जखौ 21-16, 18-21, 21-16 स्करआव फेजेन्नानै हान्जाखौ 2-0 स्करआव आवगायहोयो। बेनि उनाव अस्मिता सलिहाआ बुसानन अंबामरंपानजों 11-21, 14-21 स्करआव जेन्नानै

2-1 स्करआव फेफिनो। प्रिया आरो श्रुतिनि जराआ बेनियप्पा आमचाई आरो नुनात करन आमचाईजें 11-21, 9-21 स्करआव जेन्नानै 2-2 स्करआव सौहैयो। बेनि उनावसो 17 बोसोर बैसोनि अनमल कराबआ चइक्कीवं पर्नपिसाखौ 21-14, 21-9 स्करआव फेजेन्नानै भारतखौ 3-2 स्करजों बिमुं देरहाहोयो। बेनि सिगां भारतीय हान्जाया सेमिफाइनलाव खेबनै सेम्पियन जापानखौ 3-2 स्करआव फेजेन्दोंमोन। थाइलेण्डआ बे बादायलायनायनि नैथि सेमिफाइनलाव इन्डेनेसियाखौ 3-1 स्करआव फेजेन्दोंमोन।

ज्यतिआ एसियान इन्डर एथलेटिक्स सेम्पियनसिपआव सनानि मेडेल देरहादों

गोदान दिल्ली, 18 फेब्रुवारी: भारतनि आइजो खारनायबादायारि ज्यति यारजिआ तेहरानआव खुंजानाय एसिन इन्डर एथलेटिक्स सेम्पियनसिपआव आइजोफोरनि 60 मिटर हेंथा बादायलायनायाव सनानि मेडेल देरहादों। बिथाडा 8.12 सेकेन्ड समजों गावनि हायुडरिरेकडखौ सुद्रायनो हादों। 2022 एसियान गेम्सआव रुफानि मेडेल देरहानाय ज्यतिआ 100 मिटर हेंथा बादायलायनायाव थांनय बोसोरनि बे एखे केटेगोरिआवनो 8.13 सेकेन्ड समजों गावनि दिन्थिफुनायकौ सुद्रायदों। बै समाव ज्यतिआ रानार्सआप जानो हादोंमोन। बेनि सिगाडव 24 बोसोर बैसोनि ज्यतिआ



8:22 सेकेन्ड समजों गावनि हिटआव जौसिन जायगा लानानै फाइनालनि थाखाय क्वालिफाइ जादों। फाइनालाव बिथाडा जापाननि असुका तेरेडा (8:21 सेकेन्ड) निफ्राय जौसिनआव थाहैदों। हंकेनि लुइस लाइ यिउआ 8:26 सेकेन्ड समजों थामथि मासिआव थानो हादों। ज्यतिआ 100 मिटर हेंथा

बादायलायनायाव सोलिफु एसियानि आउटडर सेम्पियन महैर जाफुस्रादों। बिथाडा थांनय बोसोरनि बेंककआव बिमुं देरहादोंमोन आरो हंजो एसियान गेम्सआवबो गंसे रुफानि मेडेल देरहादोंमोन। बेराफासँ खेबने एसियान गेम्सनि रुफानि मेडेल देरहानाय हरमिलन बेन्सआ आइजोफोरनि 1500 मिटर

खारनायाव 4:29.55 मिनिट समजों भारतनि थाखाय गिबिसिन सनानि मेडेल देरहादों। बिथाडा थांनय बोसोरनि रुजुनायाव भारतनि सनानि मेडेल देरहानाय रेकडखौ साबसिनआव लाबोदों। जेराव तेजिन्दर पाल सिंह टुआ हादरनि सासेल' सनानि मेडेल देरहागिरि जादोंमोन।

इन्टार मिलनआ सिटि-एनि फारिलाइआव गावसोरनि मासिखौ गोखौसिनआव लाखिदों

मियामी, 18 फेब्रुवारी: गिबि हाफआव गरथाम गल सोनायनि मददजों इन्टार मिलननि हान्जाया इटलीनि फुटबल लीग सिटि-एआव सालर्नितानाखौ 4-0 गल स्करआव फेजेन्दों। बे देरहानायजों इन्टारनि हान्जाया गोखौसिन मासिआव गावसोरनि जायगाखौ गोखौसिन खालामदों। इन्टारनि हान्जाया 10 पइन्टनि आवगायनायजों जौसिन थावनिआव दड। जायनि फारिआव क्रिस्टियान रनाल्डनि सिगांनि क्लाब जुभेन्सआ नैथि फारिआव जायगा मोनो। इन्टार मियामीआ खेब 24 मेचफोराव 63 पइन्टजों



गावसोरनि मासिखौ रैखाथियाव लाखिदों। जायनि पारिआव जुभेन्सआ इन्टारजों समान मेच गेलेनायाव 53 पइन्ट आर्जिनो

हादों। फ्रान्सनि स्टर फुटबलार लिलियाम तुयमनि फिसान्जला मार्कास तुयामआ 17 थि मिनिटआव इन्टारनि थाखाय गिबि गल सोनायनि 2 मिनिट उनाव इन्टारनि केप्टेन आरो आर्जेन्टिनानि स्ट्राइकार लाउटार'

मार्टिनेसआ बक्सनि बाइजोनफ्राय गोखौ शटजों हान्जाखौ 2-0 स्करआव आवगायहोयो। गिबि हाफ जोबनायनि 5 मिनिट सिगां डेन्जेल डनप्रीजआ थामथि गलखौ सोदों। ब्रैथि आरो

जोबथा गलखौ अस्ट्रियानि सेन्टार फरवार्ड मार्क आर्नटथिआ सोदों। थांनय खेब 5 मेचनि गेजेराव बेयो इन्टारनि 5 थि खेब देरहानाय। बेयफासँ नाइचआ फ्रेन्स लीग-1 आव नैथि थावनिआव जायगा लादोंब्लावो लियनि आखाइयाव 0-1 गलआव जेन्नाडे। गोदान कच पियरे सेज फेनायनि उननिफ्राय लियनि मोजाडै दिन्थिफुनाया सोलिगासिनो दड। 2023 नि नभेम्बर दानआव ऋषिआ लियनि बिथोनखौ सामलायदोंमोन। नाथाय बिथानि कामान्दआव हान्जाया गाहाइयाव दावखलायनानै फेदोंमोन। लियनि जानानै गरसेल' गलखौ बेल्जियामनि स्ट्राइकार अरेल मंगलायाआ सोदों।

सरफराज खानआ गिबि टेस्टआव सुनिल गाभास्कारजों जर'खा फारिलाइयाव जायगा मोन्दों

गोदान दिल्ली, 18 फेब्रुवारी: भारत आरो इंग्लेण्डनि गेजेराव गेलेनाय टेस्ट सिरिजनि थामथि मेचआव सरफराज खानआ गोखौडे दिन्थिफुदों। गोबां बोसोरनिफ्राय गोबाब नाजानायजों आरो दिदोमथिजों बिथाडा गावनि आखाइयाव फेनाय खाबुखौ गोर्लेयैनो हगाराखै। बे समाव बिथाडा गावनि गिबि मेचआव खेबनै मोजां इनिंस सामलायनायनि जांरिमिन सोरजिदों। सरफराजनि जागायजेन्नाय दिन्थिफुनाया



मोनसे जर'खा रेकड बनायदों। जायनि फारिआव बे रेकडखौ भारतनि साथामल' बेटसमेनफोरा सोनो हादोंमोन। थामहिनबा सुनिल गाभास्कारमोनजों बिथाडा बे फारिआव ब्रैथि मासिआव जायगा मोन्दों। सरफराजआ इंग्लेण्डनि बेरेखायै गावनि गिबि मेचनि खेबनैबो इनिंसआव 50+ रान लादों। जायनि गिबि इनिंसआव बिथाडा 62 आरो नैथि इनिंसआव 68 रानखौ लानानै आउट जायालासे थानो हादों। बिथानि सिगां गेलेगिरिफोरा गावसोरनि गिबि मेचनि खेबनै इनिंसआव हाफ सेन्सुरिनि बांसिन रान लादोंमोन। हास्थायगिरिफोरा गोबाव

समनिफ्राय सरफराजनिफ्राय बेबादि मोजां इनिंस गेलेगोननि मिजिथि लादोंमोन। भारतनिफ्राय गिबि मेचनि खेबनै इनिंसआव हाफ सेन्सुरि एबा बेनि बांसिन रान लानायनि गिबि सारिआव दिलाभर हुसेडन, नैथि फारिआव सुनिल गाभास्कार आरो थामथि फारिआव श्रेयस अय्यरआ जायगा मोन्दों। भारतीय हान्जाया इंग्लेण्डनि हेंथायै बे मेचआव 557 राननि टार्गेट होदोंमोन। सरफराजनि अनगायै यशस्वी जयसवाल आरो शुभमन गीलआ मोजाडै गेलेदों। जयसवालआ बे मेचआव आउट जायालासे 214 राननि इनिंस गेलेदों आरो शुभमन गीलआ 91 रान लादोंमोन।

यशस्वी जयसवालआ राजकट टेस्टआव डाबल सेन्सुरि रान लादों



गोदान दिल्ली, 18 फेब्रुवारी: भारत आरो इंग्लेण्डनि गेजेराव राजकटआव गेलेनाय टेस्ट मेचआव भारतीय हान्जानि यशस्वी जयसवालआ गोखौडे इनिंस गेलेनाय डाबल सेन्सुरि रान लादोंमोन। बिथानि बे इनिंस गेलेनायजोंनो भारतीय हान्जाया इंग्लेण्डनि हेंथायै गिदिर राननि टार्गेट होनो हादों। जयसवालआ गावनि गेलेनाय फारिआव डाबल सेन्सुरि रान लानायजों गावनि मुडव रेकड थिसन्दों। बे मेचआव बिथाडा 214 रान लानायजों टेस्ट केरियारआव गावनि गिबि देरसिन स्कर लानायनि रेकड थिसनायजों लोगोसे नटआउट जायालासे पेभिलियनआव फेफिनो हादों। भारतनि हान्जाया इंग्लेण्डनि बेरेखायै ब्रैथि सानआव 557 राननि टार्गेट होदोंमोन। जयसवालनि बे गिदिर रान लानायजोंनो भारतआ गिदिर स्करआव सौहैदों। जायनि फारिआव शुभमन गील आरो सरफराज खानआवो मदद होफादों। गीलआ बे मेचआव 91 रान लादों। नाथाय बिथाडा गोरोन्थि दिन्थिफुनायनि जाउनाव रानआउट जानांमोन। जोबनायाव सरफराजआ

जयसवालजों गेलेनाय 68 राननि नटआउट इनिंस गेलेदों। बाथि उइकेटनि थाखाय जयसवाल आरो सरफराज खाननि गेजेराव 158 बलाव 172 राननि बाहागोदारि रान लादों। मख'नो गोनांदि, जयसवालआ इंग्लेण्डनि हेंथायै गेलेनाय सिरिजनि थामथि मेचनि खेब 6 इनिंसआव गासै 545 रान लाबाय। बे फारिआव बिथानि बेटिआ 109 जौखोन्दोआव थाहैदों।

भारतआ अमेन फुटबल कापनि थाखाय हान्जानि फारिलाइखौ फोसावबाय

अंकरा, 18 फेब्रुवारी: अल इन्डिया फुटबल फेडारेसनआ फेगौ 21-27 फेब्रुवारीनि गेजेराव अलन्याआव खुंजानो गोनां तुर्की अमेन काप 2024 नि थाखाय सा 23 सोद्रोमानि आइजोफोरनि फारिलाइखौ फोसावबाय। भारतनि हान्जाया समबारखालि तुर्कीसिम दावबायगोन। बेनि सिगां भारतीय हान्जाया 2019 आरो 2021 आव बे तुर्नामेन्टआव बाहागो लाखांबाय। गावसोरनि दावबायनाय अभियानआव भारतीय हान्जाया गिबि मेचखौ 21 फेब्रुवारीखालि एस्टनियानि हेंथायै गेलेगोन। दरब्रै हादरनि




गेजेराव बादायनो गोनां बे तुर्नामेन्टआव भारतआ राउन्ड रबिन तुर्नामेन्टआव 24 फेब्रुवारीखालि हंकेजों आरो 27 फेब्रुवारीआव कचभाजों सेलेन्जआव ओंखारगोन।

भारतीय हान्जानि फोसावजानाय गल किपारफोरनि फारिआव श्रेया हुडु, एलांबाम पन्थइ सानु, मनलिषा देबिआ जायगा मोन्दों।

लिभारपुल आरो आर्सेनेलनि हान्जाया देरहानायजों आवगायदों, सिटिआ

माद्रिद, 18 फेब्रुवारी: लिभारपुल आरो आर्सेनेलनि फुटबल हान्जाया इंग्लिस प्रिमियर लीग फुटबल तुर्नामेन्टआव देरहानायजों बिमुंनि फासँ आवगायगासिनो दड। नाथाय बे समाव मन्वेस्टर सिटिआ डू मेच गेलेनायनि जाउनाव दावखलायनानै फेदों। गोखौसिन मासिआव जायगा मोन्नाय लिभारपुलआ ब्रेन्टफोर्डखौ 4-1 गलआव फेजेन्दों आरो आर्सेनेलआ बार्नलेखौ 5-0 गलआव फेजेन्नानै बिमुंनि फासँ आगानसे आवगायनो हाबावदों। नाथाय बे समाव सिटिनि हान्जाया सेल्सिजों 1-1



स्करआव डू मेच गेलेनाय गाहायव दावखलायदों। प्रिमियर लीगआव दासिमावबो गोबां मेच गेलेनायगौ दंबावो आरो सिटिआ

मोनसे उफ्रा मेच गेलेनागौ दंबावोब्लावो सोलिफु बादायलायनाय थाखोआव दावखलायनाय फेनाया सिटिनि

हान्थिनायखौ दिंग्रायनाय बिन्दोसिम लाबोफिन्दों। मन्वेस्टर सिटिनि बाराग' गेलेगिरि रहिम स्टर्लिआ बे मेचनि गिबि हाफआव गल सोनानै सेल्सिखौ आवगायहोजेन्दोंमोन। रडिआ मेचनि 83 थि मिनिटआव सिटिनि जानानै समान स्करनि गल सोफिन्दों। लिभारपुलनि हान्जाया खेब 25 मेचफोराव 57 पइन्ट आर्जिबाय। जेराव आर्सेनेलआ 55 पइन्ट आर्जिनानै दड। बे फारिआव सिटिनि हान्जाया खेब 24 मेचफोराव 53 पइन्टजों थामथि मासिआव दड।

ADVERTISEMENT
KOKRAJHAR GOVT. COLLEGE, KOKRAJHAR
Date:- 18-05-2002

Walk in interview for filling a few purely temporary & amp; contractual teaching positions of Assistant Professor (for a period of 89 days) scheduled to be held at the office of the Principal, Kokrajhar Govt. College, Kokrajhar on 25th of February, 2024 from 11.00 AM onwards. Intending candidates with requisite qualifications as per UGC norms for appointment as Assistant Professor may submit application to the undersigned in plain paper enclosing biodata, passport size photograph and Xerox copy of all the relevant documents during office hour from 22nd February, 2024 or on the day of the interview. Candidates must produce all original documents during the interview. Interview fee is Rs.500/- (through DD in favour of the Principal, Kokrajhar Govt. College or by cash). Salary: Lump sum (negotiable). Candidates having NET/ SLET in the concerned subject will be given preference.

1. Bodo (2)
2. Botany (2)
3. Chemistry (1)
4. English (1)
5. Geography (1)
6. History (2)
7. Mathematics (2)
8. Physics (1)
9. Political Science (1)

Sd/-
Principal
Kokrajhar Govt. College
Kokrajhar